

書

叢桂軒詩序



錄晉栢為新元書時引嚴流浪
別寸別物、說得至繁矣、即不曰
仁義之人、其言藹如乎、元書有見曰
元書為宋書、起汧漢忘返元書
附首其始、不意柳溪、惟見時形諸

叢桂軒詩序

歌後遂成在原不集吾見近世風
漓位薄利重倫輕兄弟可憐為鑑
殊而忘手足西於閭閻下至以朱門
右族矜只臂之奪乞者不少矣世道
如此元者如彼之性情不知越閭閻
下至朱門右族者其知仁義之

人無難也人不難於仁義而何難於蕩
如之云朱又以元者之祖伯終公為法
生者其文家文精雅者其之大
受由是觀之是審古之後有甫也而別
寸別物以籍依信矣

池山樵嚴澂書



卷之三

叢桂軒詩藁序

巖滄浪品詩玉彩如那 此太子

折骨還父析肉還母其論精矣

則又曰詩有別本非闕書也詩

有別趣非闕理也余始疑其語

謂若漫為大信者然亘古及今

詩

叢桂軒詩

叢桂軒詩

叢桂軒詩

叢桂軒詩藁序
太子...
巖滄浪品詩玉彩如那
此太子...
折骨還父析肉還母其論精矣
則又曰詩有別本非闕書也詩
有別趣非闕理也余始疑其語
謂若漫為大信者然亘古及今

名流輩出未有不資讀書窮
理而能極其至者及閩里人
吳君元常叢桂軒詩方知別
趣別才莫不有披白紵莊生之
言豈無當乎夫詩言志六詠情
也歷觀古人吐詞命藻直寫厥

衷情采燦如生氣可把今之為
詩者不務性靈而詩多闕廢
不尋旨趣而叫嘯怒張匪蒐
事以配景則傳辭以合韻譬
猶唐宮翦綵趙昌畫花亭絲
刻木粧成老翁罽鼓盤鈴郎

當存袖遠而望之非不歲蕤陸離
然而天机弗一流生意盡索要其
所載色澤之間而已形神固不
相肖識者識其死真矣元常
為詩不矜奇不炫異不模古不
師今不標門戶不立机軸不風

雲月露不牛鬼蛇神矢口而筆觸
景而賦所多嗚呼嘯傲擊于唾為
款一之寄之篇章靡所不詩靡
所不韻語之字之皆吐曾臆抒性
情若雖居于深澗乎而寄真泉
石之中託志烟霞之表覽其詩或

疑其寓濃于淡寫雅于俗有古
人之遠旨深味存焉是豈可以
一班盡耶夫風雅之士必尚見博
而後採擷廣遠情生而後麗思
出天多海鯖沙鷺天真爛熳未
嘗見其探六家研四始咀嚼幽蘭

積雪之奇涉躡朱谿巫山之什
鏤肝濯髓与古為徒不知道以
術而詣造至此甚哉乎才趣
之有各別庶免釋氏所移積
習夙因而讀書窮理之說不
得以通于三隅矣抑夫不獨善

風雅且善友于往年其乃元
善挾秦越人術客游燕趙之
間君壯望懷思神馳多越棣
華興詠累牘連篇里社語公
相之高其行 誼為叙在原州
流傳藝林久矣若不具論第因

元善之請就其所為叢桂軒
詩論之在昔駱賓王 兕時曾
為桂問荅詩贈矣千古而
非始于駱也楚騷不云乎桂
樹叢生子山之出偃蹇虺卷
子枝相繚質人隱士所以咨

嘆咏歎而不能已。于桂者殆
非漫然元常既取以名軒而
又以署集其興近其自遠美
有艷於淮南神仙要眇之辭
而云然繇此日進其力于詩
綜變化將出騷以入雅疇非

討桂之逸思所引伸而觸類
者哉祇覺賓王問荅寥寥數
言大有穉氣

萬曆歲在丁巳冬十月望後
二日同里錢希言以簡栖氏
燭漫題

蕞桂軒詩藁序

余友吳元常者蕞桂軒稿行
于世乞余弁其首余曰元常
之先士多敦行博雅其家
稱閩人而非斐英當世則畏
急先生也余弱冠識荆先



生傾蓋厚知為忘年交余
以故論先生于書無所不窺
而先生亦喜余嗜學雅稱
同調比

世宗季祈長生術昕夕詞
蹤多倚辦於文請嚴公

而嚴公則已歆延先生于記
室矣凡所刪潤皆出先生手
一時名彥咸山斗之而為元
常其從姪孫也家第雖少
先授系之素稱其品高才
逸提縵有先民夙克世豕

學余因是締交講雉壇
輒出其宿世之暇咏咏
快善悼內詩在原咏情
激烈一唱三款可以敷
薄似挽頹經多花之什
詞自悽惋哀而不傷可
以覺浮生

空艷質盡為騷人擊手
賞壽法樣人是稿也乃
其登山

信水慨古懷今或月下
花間寫潤曠之真遠或
霜朝雨夕吐捲為之孤
踪之無論五七言絕近
躡長篇大都格韻

清逸不假雕琢非大曆後語
也名曰叢桂軒者以茲藉淮南
招隱之急及楚詞芳馨之
寓云耳奈江干魯人向倚服
畏齋先生之教恨不得其
彷彿不妄中郎常賁之想

今讀元孝詩恍如風度翩
翩克肖先生喜先生之後有
賢雲孫也是為序
萬曆丁未孟夏之朔生明通
家眷生金定禮拜手撰



叢桂軒詩稿序

夫詩本性情：發而為聲，叶而為韻。四始六義，如葩經所裒，裁自尼父者，邈焉寡和。它如樂府鏡歌，古澹朴吟也。代而降擬者，輒有學步邯鄲之謂。唐興以來，競作近體。近體繁而古體益寡，矣然近體去古雖遠，要于宣暢性情則一也。子輿氏云：今之樂由古之樂也。余于詩亦云。余自謝去帖括之學，寄迹叢桂山齋，感時序之代遷，觸烟霞之過目，或家庭之宴聚，或朋儕之登臨，月夕風晨，花堤

柳陌偶契于中吟哦不足遂及浩歌惟以寓懷適
志非欲傲帚千金暇日點檢奚囊各體共得百餘
首錄成一帙將以就正冀求郢削爰識歲月于首
時

萬曆歲次癸卯春王正月

海虞吳大經元常甫自序



蘇桂軒詩上卷

海虞吳大經元常甫著

天池山樾巖漱道徹選

周邑魏浣初仲靈甫評

織里錢希言簡栖氏校

五言古風

登支硎山

弭棹逗烟渚買輿昇雲岑谷口泉石佳灌木交繁
陰蓮宇白雲上時聞禪誦音攀厓禮大士偶懷支

道林聖僧不同時風裁良所欽放雀倏高翔荒亭
聚鳴禽神駿既行空澗枯艸莽侵扞蘿上中峰選
勝披玄襟晤言無同調弥生訪古心

王百谷

太原負倜儻天啟英敏姿束駮宣令名風流冠清
時獻賦排金門不受狗監知上公頗憐才吐握慕
風徽回首思采真歸与禽向期軒蓋環里門羔雁
縱橫馳興文競傳寫爛若雲錦披晚歲好禪悅團
蕉伴名緇半偈許我叅雲裝數追隨

諸景陽

巖嶭羣玉山傳聞在南極一峰忽飛來卓立婁水
側偉哉諸夫子誕彼仁智域探玄邈混茫負氣秉
剛直清朝画省郎竭盡補衮職上書批逆鱗投劾
無愠色歸然東林社咸藉為羽翼賤子咏原鴿聊
借抒胸臆寵徼華袞褒韋布倏生色含毫仰山斗
何以頌明德羲和近中天雲霧喜漸拭西咲望長
安賜環當在即

金顛良

多君學書劍，教譽英妙年。干世值齟齬，每為長者憐。薄遊京洛陌，結客盡豪賢。堂有白頭親，策馬亟言旋。歸來理舊業，斷酒學逃禪。日誦天竺書，緇素相周旋。蒲坐未及煖，簡書一何遄。宵來息魚板，晨起揮馬鞭。北上黃金臺，願聞天子宣。將軍當授鉞，都護正防邊。長驅淨胡氛，搖筆勒燕然。

五言排律

題選鄉張先生

賢哉張仲蔚，自昔有高名。廷任蓬蒿翳，牆看薜荔

縈。喜聽隼樹法，不食五侯鯖。癖性懷薑桂，芳襟洽杜蘅。磈間垂釣罷，松老著書成。跨灶成家學，掄材起國禎。詩傳多古調，交喜附新盟。有約濠梁上，觀魚步晚晴。

贈林鑑塘還閩

玩世將忘世，逢君又別君。鴻冥堪獨往，驥老自超羣。閩嶠延歸路，吳帆挂去雲。漫沽鄰舍酒，小摘澗中芹。燭短花頻剪，杯深夜欲分。茹芝餐沆瀣，吐氣盡成文。

餞別金敬仲

先生厭瀾瀾忽動故園心
籬菊思新種庭松想舊
陰興拈詞筆健趣入酒杯
深道氣咸推重寸名未
陸沉閑尊須盡日分手欲
沾襟儻憶山陽侶還素
就竹林

題郁無奇隱居

借宅成嘉遯為橋跨湫流
風烟連藪澤籬落控山
丘不出人間世能從物外
遊迴坡來野鹿靜渚集
閒鷗菜把資園叟尊羹出
釣舟暇時容款曲竟日

共沉浮對客言常放干人
刺懶投藏名宜白社搖
筆見滄洲綉羽風將動花
蓂露不收乃知神理合
真与化工遊家學成無忝
寸名寔寡儔尺蠖堪世
寶莫負野人求

復送家兄之江右

暮年仍作客帆指九江
湄兄弟長違別親知更有
誰懷思無間日歸計定何
時小酌寒花暝清言疲
月遲相看何限意瞻恋渡
生悲一見一迴老舍悽
各泪垂

中秋卧疾遣意

伏枕驚秋半鰥居思轉深衰顏惟藉藥短髮不勝簪
露氣蘭盈畹天香桂滿林青山頻入夢白社早
飯心竹動疎簾影松移半砌陰詩壇違嘯咏父酒
癢招尋厭聽樓中笛聊橫膝上琴恐虛良夜度吸
茗試微吟

真山山水居

夙性愛山水面山臨水居掃堦容迸笋引澗灌嘉
蔬花冷春遊罷茶香午餉餘松高恬睡雀藻密喜

潛魚夜醉呼隣酒朝醒課子書世情多反覆決策
向樵漁

湖橋夜月

鷺嶼雄岩邑虹梁東大川載將棄落酒來繫木蘭
舡布席雲光淡閑樽露氣鮮隼翔斷磧一雀唳
長天謾：松風起徐：桂冕懸倏者蒼阜瑩轉覺
素娥妍水府珠光徹江心鏡影圓衆賓將醉矣羣
動已蕭然石暝藤蘿翳波搖荇藻牽蘆洲凝積雪
蘅渚集微烟候雁新霜外村鷄古道邊良宵殊盡

興達曙始言旋

臨湖卜宅

余意喜僻隱臨湖卜宅偏寡交惟好靜多病畏攀
緣巧築栽花圃深耕種秫田素心愛山水逸興落
詩篇菱芡經秋實魚蝦荐晚鮮坐看雲起處一鏡
白鷗天

七言古風

叢桂軒

移來叢桂繞經秋歲二天香月下浮構得間軒頗

蕭宋客來疑倚小山遊
小山人去蕊應老淮王八
公音信杳乃知物外煉丹砂
不若花前傾綠醪丹砂無效驗
綠醪任沉酣醉中更得
逃禪樂金粟如來在佛龕

席上

闔閭城外柳藏鴉白傳堤邊人賣花
柳條長繫妖童馬花朵嬌迎姹女車
妖童姹女絲馳騁海湧山中
只佳景地勝四時諳吹多林深三月
衣裳冷劍池香水輓轡鳴絕壁
嶢巖榭倒生梵剎莊嚴殊綺

麗禪房結構極虛明生公講臺宜夜月歌聲乍起
簫聲教何年行樂不登臨何代繁華不消歇石坐
千人羅綺香點頭一奉年歲長竹院有祠存短簿
桂尊何處醉真娘東望吳閶十万户日：蘭舟載
歌舞葛中藜杖足逍遙長向山中來吊古

慧山

梁溪水石東南秀溪上有山多激湍四時泉响寫
琴聲百尺松枝迴舞袖松間隱暎梵王宮襟帶名
園潤道通歲日笙歌供宴樂家：珠玉飾房櫳金

屋瑤臺貯歌舞平泉沁水何須數絲繩將繫月當
空錦障肯容花犯雨素苧老翁真地仙手携茶具
品山泉蒲團只与枯禪對自咲生無富貴緣

玉峰

鹿城麋鹿無人收走向姑蘓臺上遊馬鞍嶙峋一
片石不逐婁江：水流水靈自恨山不古鑿出雲
根勢飛舞鏤玉雕瓊待價沽一丘一壑無完土石
瘦山空募艸迤漸無靈氣吐雲烟深藏勿更供人
玩好倩神功去補天

廬山橋

具區茫、浮震維疊、環繞無端倪秀木籠篔簹
翡翠長波瑩徹堆琉璃東來湖口自光福嘯嶸飛
翔斷還續廬山躡踞瞰魚峰天設飛梁跨寒玉驅
石何曾到海濱懸知結構借神人鯨魚飛動應相
似烏鵲填來恐未真雲屏烟障空中列秀色四圍
堪攬結纒回乘月醉秋光更擬探梅踏香雪

靈巖

靈巖翠列羣山中采香遙逸館娃宮西施去逐鴟

夷子落盡岩花香艸死舞榭歌臺作梵筵廊廊琴
石空遺址涵空高閣在峰頭不盡五湖欄外浮但
得巴陵無限酒醉來何減洞庭秋

上方

乘野航過橫塘茶磨嶺頭尋上方吳子郊臺秋草
長楞伽寺門霜葉黃越來溪水如練光不信吳王
越亦已石湖森、環石梁行過美人珠翠香月落
夜闌簫鼓宋但聞漁子弄鳴榔

西湖

武林繁華天下無武林城郭臨西湖城頭日霽鏡
光動水上春來花影鋪絲竹啁啾出湖口樓舡日
載餘杭酒秦箏趙瑟相和鳴越艷吳娃無不有逋
仙屿中梅粉香蘓公堤上柳絲黃踏歌未上六橋
路買咲先遊十錦塘買咲踏歌聲不斷爭苦夜長
嫌日短何不宵來秉燭遊但看日落尋歸伴我愛
湖心月下亭坐聞鍾梵近南屏酣歌枕石亭前卧
不是曉風吹不醒

水邊梅花謠

澗上疎梅着花早香風一夜盈潭島林深地僻人
罕知獨對微吟藉緘艸逋仙屿中花滿烟西子湖
頭多酒舡來携紅袖不相稱粉面羞與花爭妍何
如此境寂清絕鏡作波光常瑩徹亭下姑射洗鉛
華皎皎肌膚若冰雪别有江城絕處春六街燈下
濕車塵閨人曲裏長緘怨菟笛聲中倍損神香雪
霏波影動俄看青子梢頭重物色如求板築人
也須留待和羹用

道傍杏花歌

上林紅杏爛于燃。描就春光沸管弦。誰移此本江
干上。慘霧愁烟祇自憐。舞裙歌扇無消息。玉勒雕
鞍不相識。惟有前村酒熟時。牧童指點消魂客。年
未年去自芳菲。花落花開誰復知。流水乳飄顏色
去。遊蜂爭採蜜脾歸。相逢一見心斷絕。天涯淪落
增淒切。東皇有意植根株。何不倚雲栽近日。花聞
此語神黯羞。我咲揖花君罷休。不見古來紅紫陌。
寂莫空餘鳥雀愁。

登拂水岩

虞阜巉嵒迳路遙。躋攀絕頂近烟霄。上方玉殿金
扉闕。北極珠宮絳節朝。古樹長聞風謖。晴空忽
見雨蕭。銀河倒挂鋪雲磴。素魄飛來偃石橋。香
閣幡幢縈細練。法筵幃幙眩輕綃。千峰烟霧常時
合。三伏炎氣頃刻消。塵垢洗清欣激滷。衣裳沾濕
恠迴颺。陽崖雷閃光難定。陰壑雷奔勢轉驕。洒上
謫仙五綵筆。匡庐瀑布可齊標。

金山紀遊

山蟠楚塞接天陰。水出岷江下峽深。激滄隱雷衝

巨石迴瀾噴雪洒高林。虹隨日氣橫空飲龍卧雲
中帶雨吟。万里朝宗殊浩蕩。孤峰砥柱特峩嶷。
標遠作金陵障。雄鎮斜將鉄甕襟。直訝樓臺連蜃
氣。却緣濤浪撼鰲簪。蒜山一點依沙嘴。瓜埠千家
漾水心。絕頂塔光迴雁翮。上方鐘響應鯨音。援床
尚想禪宗定。解帶能令學士欽。舟楫近來爭駭愕。
林岫入望轉蕭森。咄嗟陵谷頻遷改。俯仰江山自
古今。試向妙高臺上步。酒酣揮翰記登臨。

五言律詩

登北固山題甘露寺

北固枕江流。迴岡擁潤州。鰲簪分作柱。蜃氣結為
樓。甘露何年降。慈雲盡日浮。神京饒勝事。當向白
門遊。

賦得池塘生春艸之句

春漲溢春塘。春洲春草香。澤蘭含露淺。杜若蘸波
長。檐旭明書幌。浮雲近葦床。爾時懷謝客。詩罷欲
翱翔。

賦得秋水共長天一色

蔚藍秋水滴淺碧晚天長灝氣清寒霧灵潮閃夕
陽有無看島岫毫末指舟航始信乘槎者曾臨織
女傍

贈朱砂菴觀空上人

釋子隱空谷石梁門外斜泉聲鳴屋角嵐翠落檐
牙天樂和山鳥幽香入澗花但知脩白業何屑問
丹砂

元日值五十喜題

百年今過半知足樂無涯歲事占天象晴雲捧日

華杯浮元旦酒梅發去年花老稚團圞坐春風自
一家

過九蓮菴訪慧泉上人

誰結青蓮宇玲瓏逼太虛欲尋開士跡先禮覺王
居卓錫香泉湧翻經慧月初到來談小品敢憚路
威紆

廣陵朱雲石過訪

別君已十載蓬鬢惜相看燭短花頻剪窓虛月未
殘暮年詩律細清夜酒懷寬淮海睽違遠應知會

面難

過家弟讀書山齋

雨後乘輕屐來過阿惠居
幽窓垂薜荔淨几列圖書
谷邃蘭香緩山深人跡疎
年光一何駛莫遣疲窓虛

過友人池上晚酌

愛尔池上坐携尊就水開
儵魚當鏡躍鷗鳥近人來
竹色分樵徑萍陰合釣臺
不須催秉燭片月到亭隈

宿家兄寓禪林有感

驅馳不得意空白此生頭
錯料十年事番紫百種憂
鍾鳴蕭寺雨葉响客窓秋
冉三年俱老相看涕泗流

懷雅少山居秋暝

不覲許詢久居然一壑深
澗花溥露冷岩竹入雲陰
調雀埽蘭沼聽蟬坐石林
夜窓呼酒伴唱月縱長吟

風閣與客避暑飲

風閣消殘暑，偏宜入夜登。酒杯吾得趣，詩句尔多能。竹寫紗窗月，瓜浮玉井冰。不輸河朔飲，逸興自飛騰。

題張居士精舍

季膺就精舍，晦跡營藥欄。花迎法雲媚，竹洒慈雨寒。焚香聆禪誦，掃葉煎月團。澹然忘色相，趺坐消夜闌。

乙卯中秋懷陳仲英武林之遊

武林饒勝事，仙侶采真時。著屐尋僧便，呼舟載妓

遲山容邀綵筆，湖色引華卮。冷落高陽會，飄零寫宦期。一尊清夜月，南北結遐思。

載妓賞湖亭牡丹

扁舟携妓遠，適此牡丹期。人似梁園集，花如沁水移。玉纖調錦瑟，金縷送華卮。對尔不沉醉，留情復待誰。

池館醉眠醒而咏之

池館頗蕭爽，幽人露醉時。水雲侵卧入，日晷覺來移。新笋翠于竹，晚花紅滿枝。坐依風樹下，啜茗聽

黃鸝

題表炀錢抱暘四水館

亭榭重陰合。軒楹四水涼。開筵類河朔。高枕即羲皇。魚觸荷錢動。鶯吟柳浪長。擬逃三伏暑。來此就壺觴。

過又玄張先生餘適齋

乘興尋高士。來過餘適齋。庭花秋更雜。山氣晚逾佳。問字人携酒。聽詩雀上堦。何當風月夜。同調盡開懷。

秋夜題家第萃秀閣

秀氣騰飛閣。幽栖獨讓君。披襟防露氣。彈劍動星文。筆走臨青李。書攤暎翠芸。不知天祿上。黎火絕時分。

訪金雅少留酌梅竹下

可愛梅邊竹。相將耐歲華。恍登何遜閣。宛入子猷家。庭窄窺梅立。山禽坐竹斜。主人勤款客。索酒對簷花。

初夏山中雅酌

賦詩迎首夏。布席送春歸。杯泛殘花滿。盤飧嫩笋肥。翠嵐霑芰服。瀑水濺松扉。醒酒林風動。山禽高下飛。

遇雪泉上人還山

疇昔悵分手。相逢各向年。呼童煎雪乳。留客聽寒泉。隔海乘杯渡。還山挂錫眠。松枝垂薜荔。仍偃舊房前。

同金敬仲張曙卿家弟登妙音閣

峭閣淹高會。巢由共惠連。追陪從酒態。飛動各詩

篇。法苑環珠樹。靈源寫玉泉。莫言歸騎晏。松月照迷川。

贈賀九嶺淨菴上人

昔人登覽處。帳殿作禪林。每見歌鍾地。俱聞梵呗音。老僧投跡久。檀越結菴深。一念皈清淨。何嘗向古今。

秋日集孫家山亭

秋高登眺處。勝槩得孫亭。湖濶平于掌。山圍幻作屏。鳥來深樹轉。雲傍曲欄停。歡暢皆高逸。淹留忍

獨醒

携家弟秋山晚行

阿惠同幽事山行渡水潄
澗花栖晚露野樹染秋
雲過寺頻聽法携僧或
論文雁行飛動處親切
不離羣

方舟過華蕩別張曙卿

與子方舟早行看景物
賒淡烟紫野樹初日照汀
花客路揚帆遠家山帶
郭斜醉餘分手處鳧雁滿
蒹葭

過陳仲英借硯齋留酌

市遠心逾淨堂深暑不知
林丘君自勝樽酒我何
辭竹靜風來暖花陰雲
過遲益公偏愛客重會未
須期

山行逢薛雲卿

出郭收殘雨山行逢故人
問年過半百縱酒合千
巡君獨耽詞賦吾將事
釣綸劇談携手處披豁見
天真

訪張琳維不值

相過恒不覲山屋掩斜曛遙想烟霞侶長游鹿豕
羣林深喧宿鳥石冷抱歸雲何處壚頭酒挑燈話
夜分

贈莊隱君

避世尋幽境携家就尚湖一邊三昧宅濠上一潛
夫戲滌魚知隊巢松窟引錐林丘藏曲折絕勝輞
川圖

贈陸培吾

榮歸早挂冠叢桂好同看嘯集諸賢飲何辭十日

歡清霜侵鬢易白雪和歌難袖裏雙龍劍携來醉
後彈

雨後携酒山亭

峰晴新雨過布席小亭間持此杯中醪看餘樹杪
山塵心時自洗幽事日相關素有林泉癖能同野
鹿閒

午日畝張曙卿

序屬中天節何當仲蔚臨小樓延上客嘉樹結層
陰蘭醕浮尊溢榴花照坐深百年憐俠骨酣暢惜

分襟

寄金敬仲

探道真儒者高談見古今
新寒初衣袷舊雨憶開襟
老去詩才逸狂來酒興深
忘年存意氣堅守歲寒心

訓王振明

世業青箱舊才名赤幟新
振纓光殿陛補袞見經綸
藻鑑形無遜花生筆有神
濫叨珠玉惠能不仰清塵

雨夜留張選卿

上客留清話聯床暮雨時
玉壺秋釀黍山爨疲煮葵
向字行杯緩論心剪燭遲
見君多道氣指點亦吾師

新夏寄錢簡栖

不接談天口不違動隔旬
野花香雨細山鳥綠陰新
酒德豪能頌詩情老更真
吾將拾瑤艸持贈見交親

餞金雅少之金陵

袁桂干詩

餞君嗟日晚解棹信秋潮路指金陵熱山蟠碧落
遙彩雲邀翰墨素月見風標貫得秦淮酒誰家聽
玉簫

慰朱立卿疾

一室空諸有清心善養疴宓虛蘿兩合庭翠蘚烟
多報客常聞雀寫經難換鵝來朝有起色重聽醉
時歌

贈王雲鳧羽士

翩翩雲中鳧毛羽光翕絕閒隨海鷗伴遠接冥鴻

翼泛漾瑤池津翱翔緱嶺下何時朝玉清化作王
高鳥

挽金雅少

呼尔、何在哭君、不聞容輝看落月真氣見騰
雲昔愛林中酒今備地下文美名貽不朽碑勒北
山墳

清秋試棹次素獻徵漪字韻

試發清秋棹湖頭泛每遲山容延夕照樹影畫寒
漪菱萼藏魚子蘆花罨雁兒漁郎同調者高咏濯

纓詩

餞別李青霞

遠性宜衡泌。清修重士林。君能存道氣。世豈少知音。濁酒論交得。新詩縮別吟。醉殘分袂處。雲樹隔遙岑。

訪郁無奇

青山行不盡。綠野得郊居。櫺鎖將軍畫。裙摩大令書。岩巒環小閣。花竹媚清渠。話久還城郭。疎林夕照餘。

天池春曉

香閣鐘聲動。滄池月影斜。園丁呼斲笋。山客喚收茶。未曙先啼鳥。無風自落花。尋幽得此地。歸隱度年華。

客遊懷弟

看山幽興遠。野泊未回舡。翠靄團晴樹。香風動早蓮。羣峰迎座出。片月向人圓。把酒生鄉思。悽然憶惠連。

蘓堤晚泊

花堤停棹晚詩酒正相宜一雨忽開霽千峰爭獻
奇雲啣金刹迥月轉石梁遲勝地延吟眺何煩五
岳期
途中值雨
浪跡已經月曾無一日晴山頭雲氣合舡背雨聲
鳴海甸殘虹隱江橋遠火明誰家吹夜笛忽動故
鄉情

山閣夜坐

山閣何蕭爽披襟坐夜分洗心聽瀑水禮佛對爐

薰月色當軒滿秋聲遠樹聞此時禪宗味絕勝在
人羣

新秋宴集

令節傳秋蚤涼風先入林尊移松下石坐聽竹間
禽病遣放生菽神清殊夜琴酒醒金氣爽羣彥共
披襟

薄暮山行

疊嶂多秋色孤城欲暮天江楓映殘日墟竹上炊
烟采菊思元亮尋芝訪偓佺山雲迎過客鷺雁競

翩

山亭幽酌

亭隈山翠合石上酒行遲秋色晴堪掬幽尊晚更
宜飛帆低遠樹啼鳥越高枝片雨孤城過應催二
妙詩

江干夜泊

挂席過揚子停槎避石尤壯心凌北斗華髮感東
流犬吠江村月鴻啼海國秋扣舷歌且酌清興洽
滄洲

雨夜留客

山樓風雨夕客至慰幽人銀蠟生花媚香醪泛菊
醇故交青眼在塵世白頭新擬瀾羊求途相過任
隱淪

月下探梅

隴梅撩逸興入夜訪南枝孤影窄同瘦野香蜂不
知客來山月冷花發雪晴時暫憇松根石聊吟水
部詩

登拂水亭

登拂水亭

長嘯春亭午。吟眸豁遠天。晴雲扶隴石。風壑噴飛泉。酒榼虛梁度。齋鍾峭閣傳。下方多樂事。簫鼓沸湖舡。

訪隱值中酒

訪隱村非遠。循溪轉石橋。鶯啼門外柳。鹿嚼水邊樹。盤石閒棋局。垂藤挂酒瓢。醉鄉春卧穩。山竹雨潇潇。

中秋無月

山閣宵堪賞。江雲黯不收。朦朧一片月。蕭索万家

秋花影。虛移席。螢光暗度樓。陰晴應可卜。明夜復來遊。

拂水岩進香

靈境朝元早。扞蘿一迳偏。屏開千嶂遠。鏡合兩湖圓。影落瑤垓月。香分玉洞天。更宜觀海日。連袂上層巔。

雲間道中

正解雲間纜。回撓畏日斜。暮陰侵野樹。寒色暎江花。秀句看山得。香醪就市賒。客中風雨夜。沉醉也

思家

秋夜登樓

登樓夜明迥衆色望俱空月白見松雀露寒聞艸
蛩開尊今夕會授簡故人同佳景成玄賞憑虛欲
御風

雨中泛湖

幽情狎魚鳥載酒泛湖潯荇帶縈柔櫓荷香淡素
襟山昏低雨色樹遠入雲陰妙景還來賞扁舟可
重尋

閩門夜雪

凍雲西鄙暝旅泊各爭先卷幔千家雪懸燈兩岫
舡江橋環作竦岸柳驟飛綿貫得吳姬酒探囊不
計錢

月夜客來

月到中庭白欣逢客子來風高桑葉落酒熟菊叢
開簡素憐余窘清新羨尔寸燭花濃不剪誦唱盡
餘杯

湖林避暑

湖林宜避暑高會即山陽掃石彈棋晚呼杯就竹
涼綠陰驕野潤落日爛川光醉步清溪曲風蓮動
妙香

雪夜懷兄

不作袁生卧其如善抱疴野鐘催曙急孤枕受寒
多玉樹同誰看陽春緩自歎遙憐風雪夜歲客
中過

訪友自廣陵歸

覽勝亦多日還家花復然雲霞隨杖履佳麗入詩

篇竹靜塵逾遠神閒地自偏暑中和野服猶帶廣
陵烟

秋晚登臺

人間不盥櫛晚眺獨登臺塔湧雙林出城連疊嶂
迴濕雲含返照殘雨送輕雷霽色浮山郭蕭然爽
氣來

聞鯤兒夜讀

有兒稚木魯差喜好文詞夜讀田窓月晨書洗研
池凡熊人不見映雪尔何辭經術家聲在漸磨顛

及時

松溪集咏

羣秀松溪集分題秀句新林深
田隱鷓雨足聚遊鱗松靄沾
羅袂溪風岬葛中地偏多妙賞
疑醉武陵春

澗道逢僧

澗道逢禪侶團圞宛坐遲
談高揮淨塵激溜洗華池
風瀑飛涼雨雲林逗晚曦
稍能攄俗累共結息心期

秋夜書懷

秋宵素爽氣山水入懷清
玄覽思瑤島神遊曠杰城
琴尊延逸趣藥石輔長生
遊倦仍多病居然類長卿

夜雨獨酌

冬日過檐短寒宵得趣偏
軒楹鳴竹兩山爨起松烟
秉燭消長夜掀髯惜老年
放懷歌獨酌一醉撥書眠

掃慈氏墓

迳轉含悽惻寒山似北邱一尊相酌處雙淚各沾
裳零露溥衰艸悲風動白楊慈顏如渡見除是返
菟香

秋暮入寺

禪室延悠坐圖書置滿床竹軒諸品淨蓮漏六時
長夜靜見朗月風清聞妙香欲除煩惱障合掌叩
醫王

月夜坐家弟書樓

阿惠耽幽事樓居逸興賒朱魚文水符銀燭炫瓶

花得句頻搽筆燃爐自煮茶此時有佳趣山月暈
窓紗

席山橋夜泊

澤國探靈境酣歌夜扣舷水迴珠弄月山峭玉生
烟釣舸維紆岍虹梁束大川弟兄良晤少洗盞復
留連

竹林看月

東城秋月白徐照竹林人影寫千竿淨光涵一榻
勻松聲茶灶煖蘭氣酒杯新為問今何夕玄言共

許詢

恨弟讀書

苦心憐弱弟書卷夜長攤
徒尔疲精力犹然鏃羽
翰踈鐘霜外遠孤燭雨餘寒
霄漢須知已峨冠莫浪彈

秋晚泛湖

曠望遠峰秀湖天一色明
曲随檀板脆杯泛木蘭
輕樹碧山烟白蘋香水氣清
膝遊仙侶輩歸咏月
東行

田家吟

騎馬過田舍溪林衛州堂
小槽新醴熟髯几淨琴
張窻下桃花短牆陰枳殼香
羊事耕釣穩卜老

江鄉

春遊曲

結伴尋玄賞逶迤步綉茵
朝晴山氣爽景淑野烟
新画鷁闻歌妓黃鸝喚酒人
把杯松樹裏偷眼艷
陽春

卧雨吟

檐雨崇朝下。幽人穩卧長。藥房蒸木早。茶灶煮泉香。
入夜醒殘醉。當春裛衆芳。起看紅濕處。桃李徧林塘。

觀盃魚

曲檻盃魚小。文鱗戲綠波。良人穿細荇。得食隱圓荷。
野趣閒中習。天机物外多。悠然濠上樂。莊惠詎能過。

山中吟

避跡消塵累。雲崖置屋偏。岩栖宜澹泊。木食厭腥

羶。花鳥無冬夏。琴尊老歲年。山中多道侶。親切過談玄。

咏菖蒲

昌陽仙窟裏。九節附雲根。貴重齊瑤艸。芬芳掩綠蓀。
壽能綿日月。採不異寒暄。采服堪神舉。乘雲禮上元。

酒家吟

繫馬柳枝碧。入門柳花香。瓶開蟻色嫩。醅澂鵝兒黃。
坐就山窓雅。杯傳春日長。小姬能壓酒。勸客盡

餘觴

畏寒

氣衰常畏冷索酒換重裘倦鳥飛還止長河凍不
流雪侵松下榻雲鎖竹邊樓也稱山翁飲狂歌老
一丘

復遊

郭外多風景三春凭度行踞岨看瀑水經樹聽啼
鶯野館花逾媚山壚酒復清探囊曾不計取醉過
浮生

携艇

訪隱移蘭艇輕橈破浪花野烟紫竹淡江雨入村
斜簷僑遊踪遠山川縱目賒水迴橋斷處多半是
漁家

卜宅

卜宅臨江渚居然斷市塵軒楹宜水月林樾護松
筠茹素餘生穩歸禪老計真遣懷頻釀酒暢飲叙
比隣

咏松

松窠知名者。千秋語岱宗。偶延秦帝輦。遽獲大夫封。
根古皆為石。形竒半作龍。何時登日觀。隨路訪遺踪。

咏竹

千挺碧琅玕。分蓀傍曲欄。寔垂將引鳳。梢偃欲栖
鸞。淇澳風徽遠。湘江淚點寒。主人何必問。一任子
猷看。

瓶花

淨几碧紗窓。瓶花亦自芳。紺姿霞借艷。素蕊雪凝

香。帷下留春色。筵開引客觴。任教零落易。點點在
縹緗。

登眺

吾与二三子。憑高騁望賒。愛山勤躡屐。見竹欲携
家。洗盞臨寒溜。論詩對晚霞。松風入懷爽。吹我葛
巾斜。

冬月

絕勝寒山月。嬋娟倍可親。清暉留片石。素影寫叢
筠。境寂聞靈籟。霜高淨陌塵。寥天懸玉鏡。觸目彩

華新

新晴

久雨高懷阻新晴
吾眼明林臯鳴鶴
鵲花柳媚檐楹
貫酒過隣舍論文
合友生香風拂襟
袂鑿落不辭傾

排洵

驪景何曾遶春天
不肯晴雲來吞郭
樹雨至失江城鳥
語時雖滑花光濕
未明暮後破孤洵
只合酒為名

虛立

歷遍名區蹟靈丘
始渡臨苔涵劔池
月榭合講臺陰日
夕登飛閣雲開見
遠岑岩僧解相引
探古恣幽尋

山行

端居無俗韻看屐
入山頻花事晴相
媚松風爽更新鶯
啼臨澗水鹿趁采
芝人過寺僧寮僻
跏趺話淨回

發棹

蘇軾詩集卷之十一
三十一
吾將發孤棹幸與靜者同出浦見遙岫扣舷歌大
風斷雲隨雁沒落日逗湖紅烟大渙村暮蘋花野
水東

中酒

晚素思酒甚入夜興如何山月供吟笑鄰翁就飲
過追歡醒處少得醉卧時多一任沉冥久岩扉掩
薜蘿

以夕

歲時驚以夕索酒可寬憂江雨收殘暑梧風動早

秋長林鳥鵲隱低戶玉繩流佳會憐宵短更殘尚
倚樓

慰兄

慰尔客中索携尊泛棹頻青燈照綠酒白髮滿烏
巾晤對情何翕飄零老更親頻年淹旅食歸計絕
時真

圃園

瀾地營蔬圃羣芳取次栽短垣依水築低戶面山
開樹暝多禽語花時有客來老懷勤日涉流憇藉

筠管

對雪

江國風威凜山城雪片新
征人悲失路漁叟喜垂
綸凍樹飛花早踈梅着粉勻
蕭然閉門者高卧待
陽春

雨閣

日夕登飛閣山雲漫不開
松壇巢雀近楓浦斷鴻
哀卷幔秋雲合懸燈暮雨來
此時擦賦筆愧乏仲
宣才

漫遊

出郭已十里夷猶引興長
聽泉坐松石問酒過河
梁谷煖藤花紫湖晴荇藻香
素心凌流水隨意泛
孤航

寒夜

寒夜披裘坐冥冥山雨來
風聲瀟牖竹春色上江
梅小閣琴書冷嚴城鼓角催
燃爐破寨宗細酌把
深杯

有感

秋雲看變幻。浮世任波瀾。招隱山無桂。論交室有
蘭。鳥聲催進酒。嵐翠入凭欄。晚節諳幽遁。松筠耐
歲寒。

閣夜

飛閣聯珠斗。迴看應接勞。山光來卷幔。秋色入揮
毫。桂月搖金粟。松風捲翠濤。况當三五夜。羣彥興
弥高。

曉行

曉樹懸霜月。寒潭落曙星。樵歌方伐木。客語乍揚

舲。日上山花媚。烟浮江柳青。村帘沽酒近。暫尔慰
劳形。

旅泊

漁火青楓岸。邗溝獨夜舡。推篷觀海月。搖筆染汀
烟。珠斗聯平野。金波擁大川。咲歌凌灝氣。孤宦嘆
遙天。

感懷

風高下木葉。掩卷坐淒涼。破涕懷慈母。聞砧念益
光。寒蛩喧曠野。隙月逗空床。悽惻難成寐。何當秋

夜長

避暑

景當三伏序河朔勝遊偏
蘭渚鳴孤雀槐陰响暮
蟬携壺避煩暑開閣俯晴川
醒酒清香入南薰動
碧蓮

野望

西郊馳騁望秋色遍湖鄉
調雀支藤杖看雲踞石
梁山青霜葉紫洲白水蘋香
暮景掠詩興長謠送
夕陽

燈夕

幾處星橋踪千門火樹新
笙歌宜入夜燈月并親
人巧笑來遊女狂吟任酒
民不知山部曙旭日上
松筠

一室

一室泯羣有虛庭集衆芳
堦前喧瀑水檐外响風
篁候客頻開席奴書漸滿床
近諳脩慧業昕夕禮
空王

種菊

栗里高人遠。清風爾獨存。插籬圍小徑。種菊理荒園。
按譜移新種。分泉灌舊根。花時期載酒。晚酌就東軒。

用拙

用拙交遊寡。岩栖晚計長。種花分野趣。疊石抱山房。
展卷留松月。鉤簾進竹涼。蒿蓬滿三徑。不敢望求羊。

屏跡

屏跡存吾道。時看貝葉書。檐花敲入戶。石溜細通

渠。蓮社東林寺。茆齋北鄙居。洗心空滓穢。恬淡得真如。

有客

崇朝香雨細。一室掩梅花。有客情何逸。過從路不遐。
河魚叔曉市。園韭剪春芽。鄰舍新醅熟。能令稚子賒。

一壑

一壑藏修穩。禪机久自諳。淨居宜物外。幽隱勝終南山。
色供朝誦。溪聲入夜參。了然無所事。飯向老

瞿曇

湖上隱居十二首

放艇

漾艇玩鳧鷖浮踪不可羈偶携茶灶去爭訝是天

隨

種林

湖田宜種林扶杖閱春畊樂歲行堪待糟丘信可

營

捕魚

漁子集湖壩輕橈蕩水烟呼僮探菰我老已忘

筌

採芹

携幼步汀洲香芹滿蘭潭采之不辭勞可以羞嘉

客

放雀

道林為我師凌此凌霄姿六翮養既成九皋隨所

之

荷風

卷五

荷花沍露紅荷葉翻風綠
蘭舫湖上行如遊衆香國

柳浪

光風吹岸柳織作綠波紋
搖蕩侵歌席何嘗濕舞裙

水鷗

浦口鷗千隊遙疑雪湧來
忘机堪翫弄相顧不相猜

蘆雁

汎鴻霜後至倦翮托蕙葭
花白涵微月猶疑翰海沙

漁村

湖曲異朝昏漁家各有村
花時人不到徒羨武陵源

烟帆

曉色尚模糊春帆似有無
山烟入湖雨勾作輞川圖

圖

楓浦

表佳軒詩

卷上

浦岸楓千樹時、繫酒舡一經涼露染雲錦爛長
天

子夜四時曲

綉戶花將綻金堤柳漸齊春光正駘蕩容易使歡
迷

池館日長時髻鬟慵不綰芙蓉傷檻門蓮子長在
眼

雲堦莫始落月窟桂初圓懽慶成双夜儂當二八
年

燈前理刀尺指寒霜露濃撚針拈綵線夜々與歡
縫

菴源

松翠連雲合桃花遶澗開寄聲高蹈者不是避秦
來

暮歸

野寺訪僧歸長林殺秋籟山犬吠竹間兒童候門
外

登眺

披豁坐峰頂了知塵世空
滄洲殊不遠回首羨冥鴻

白髮

鬢髮莖々短衰遲可柰何
曉寒羞覽鏡絲較去年多

觀梅

月浸空山影風含近水香
倚筇吟興逸東閣想何郎

適意

籬下黃花新山中白酒熟
候客搖孤松開尊傍藪竹

晚眺

浦口浮殘日山腰介斷虹
微風吹浴鶴細雨弄飛蛩

出門

開門見流水出門向青山
朝訪烟霞侶暮隨猿雀還

泛舟

泛舟及佳辰集我同袍子綠酒佐香芹往來在山
水

徙竹

誅茆開僻徑徙竹補疎林但適王猷興何須嶰谷
深

春曉

花團綉戶春鶯啼綠句曉日華浮玉波風光動搖
艸

野望

野水兼天碧江楓帶烟紫偶合漁樵言山城秋月
起

采菊

采菊盈一囊還山釀新酒期我素心人沉酣過重
九

對雪

雪剪瑤花碎冰垂玉筋斜茶鐺鎔六出風味傲陶
家

無題二首

可愛芙蓉花、嬌映秋月舉手復逡巡羞將玉蒂
折
羞靚雙鴛鳥相依戲水干停針腸斷處倦倚綉床
看

旅泊

鳥啼霜樹冷旅泊曉風酸夢斷思家處蓬窗落月
寒

拂水

勝槩臨山亭飛泉挂石壁風迴倒噴珠作雨和烟

濕

渡江

夕客渡江晚歸蓬信潮迫江雲起處低江月照沙
白

聞笛

江城誰弄笛聲過度江雲秋浦寒山月婁清不柰
聞

臨江

霞明江水淨潮落江帆急白鳥向斜陽啣魚沙渚

立

客至

江雨寒梅發山房臘醕開故人遙就我論舊且啣
杯

天池

天碧挺峰蓮池清卧岩柏風吹澗戶香樹、茶花
白

曉起

窓蕉晴弄日并樹曉啼鴉起整双蟬髻粧樓喚買

花

遣興

野情在山水酒興翊詩篇地僻多幽事梅花細雨
天

楊柳

風縮青絲弱烟籠翠帶齊隋堤不可見細雨暮鴉
啼

卧雪

高枕卧深雪朔風朝更寒誰為洛陽令立馬向表

安

雪谷樵歌

谷口凍雲合天寒冰雪深但聞歌調苦華路杳難尋

又

積雪翳空谷誰歌行路難鳴琴雖欲奏指冷不堪彈

鴻雁曲

鴻雁不失侶秋高向南國豈為稻粱謀明信中所

惜

又

鴻雁乘秋至隨陽序不憊高飛避矰繳刷羽泛清漣

山中隱逸十二首

尋梅

何處早梅開香風谷口來前村微雪後策蹇興悠哉

訪僧

金刹白雲中，多息心侶幽期在松蘿不作塵世語

采藥

駕言遊名山去采不死藥只待羽翼生翱翔在寥廓

刪筍

籬根春笋多薄取羞佳客：意愛龍孫相看共珍惜

調雀

調雀步間庭長鳴漫軒翥它時六翮成任尔凌霄去

樵塢

柴車下危阪樵唱响空山稚子歸常暮松扉且莫関

楓林

青女染高樹寒岩生紫烟笑容開木末未足与争妍

松濤

松濤

避暑長松間松濤晚來怒山房如葉舟六月江門渡

飛瀑

飛流掛斷崖探玩松陰靜漂瞥成雪花衣襟覺微冷

聽鶯

黃鶯出翠微啼我門前柳嚶嚶聞好音脈脈懷良友

叔茶

夜踏武夷月晚披陽羨烟挈伴摘灵州須乘穀雨前

訪道

衆木羅青山深景幽宋中有靜者居茹芝卧松雪

子毋鷄園余兄弟俱勞失恃終天罔極未由見永思之忱偶友人善丹青因繪子毋雞園展玩間不啻羹牆之視也聊咏短章以志感云

嗟彼子母雞花陰事棲食母呼子即來子去母還
覓三子從母行二子挾母翼一子負母背啾々復
唧々母得一粒黍啄彼蒼苔石欣々子來趨唯恐
不均一母當飼子忙會飢待終日羽翼何離襁愈
添顛賴質吁嗟物類中慈愛至于極不知子長成
何以報母德

叢桂軒詩上卷終

叢桂軒詩下卷

海虞吳大經元常甫著

天池山焚巖激道徹選

同邑魏浣初仲雪甫評

織里錢希言簡栖氏校

七言古風

謁雲栖蓮池大士宙贈

雲棲林壑羣山圍幽蹊不磴行人稀紺宇金田寂
深秀蒼烟翠靄常霏微法師本是廬山遠日對閒

雲任舒卷脫中高座髻生珠擁袖空崑足生繭淨
侶追攀蓮社遊寶池之水接龍湫中間白藕花千
朶香徧諸天佛國浮甘露門開一何廣直指真空
破羣妄燈連月彩天上明梵禩潮音浙西響皈依
稽首猊座前摩頂眎我兜羅綿片言了悟無生旨
曠劫應知有宿緣坐久松梢灵籟發天雞唱徹烟
嵐豁相辭越嶺問歸途回恋香臺夜來月

贈見西程文學

綺歲負寸揚美名大彰毓秀形神清學堪濟世三

冬足辯若懸河四座傾駭骨未收玄鬚改門墻桃
李俱靄、獨懷良璞泣荆山誰惜遺珠在滄海迹
歲超方好淨緣時探覺路禮人天長持半偈香林
下默結瓊跏綉佛前知尔妙明來曠劫以茲精進
誰能及乘時且現宰官身不碍兼修居士業

贈雲石朱山人

居家生長南沙里嗜古清修好文史虞仲山頭勘
古碑言游宅畔尋遺址挂帆天塹下揚州酒社詞
場多舊遊八分書古推前輩五字新詩羨寡禱我

昔尋兄竹西路，素梓情深垂眷顧。相逢頓忘悲路岐，促膝論文見情愫。自此傾心恣故知，每憑鱗羽寄相思。開春買得邗江棹，共續芜城吊古詩。

訪錢文伯山中讀書

尋君躡屐翠微裡，君架一室松蘿間。散髮披雲同笑傲，臨流踞石聽潺湲。潺湲可听雲可閱，掩帙搽觚思超越。得雨蛟龍自奮飛，凌雲雕鶚堪橫絕。辟賢書下彈冠起，跨馬看鞭遊帝里。帝里天高紫氣浮，英雄盡醉曲江頭。回瞻故國青山遠，雲自高飛

水自流

泊舟湖涓過尚湖庵看菊

艤艇湖波霜葉紫，片輕霞絢湖水林。間法侶喜相迎，更有籬花伴徙倚。舟寒芳近綠尊衆，香國裏不須論迴繞。咲傲皆禪悅，况復滄波有月痕。

藤溪訪僧園

灑霽雲崖斷槎卧，狂蛟欲顛老虬怒。啼鳥啞，松風哀。行人不敢谿頭過，林中精舍有高僧。留客談禪對一燈，童子提瓶供茗汁。夜深谿上鑿寒冰。

雲山采藥圖

飈輪未暇尋玄圃忽見名山似天姥絕壁猶含太古雲重岩不斷空濛雨携筐采藥龐眉翁露氣嵐光互吞吐攀盡金梯不見人鷄鳴犬吠知何許

竹溪調雀園

脩竹檀栾溪水淨剪來一片瀟湘景松風自奏杏壇紫蘭氣忽侵陽羨茗昂藏老雀步溪隈欲舞不舞空低迴塵尾輕麾教清嘯長鳴颯颯涼風來

湖山烟雨圖

湖波澹々望中杳山氣濛々不知曉雨外疎峯竹樹微烟中斷磧茆茨小米海岳高房山醉墨顛狂伯仲間雲深樊徑尋難見風逆漁舟撐不還鏡水湄稽山下此景懸知更瀟洒策笠須將釣竿把

七言律詩

答諸文學先生二十二首

錢功甫

王孫老去樂幽居靜掩荆扉日著書開國浪傳班帶斫藏名真喜混樵漁栖遲擬仿梁鴻庶圖籍堪

充惠子車莫恠清時纈壁晚向來都市有干旗
趙凡夫

寒山居士好岩棲隱搽真堪穎水齊四照寶花環
綉閣九衢瑤艸覆金梯遊鑣截去雲遮路野衲經
行月過溪我亦素心修慧業白蓮社裏願招携

錢筒柄

徵君讀書三十秋酉陽汲塚靡不搜揆天飛藻失
屈賈多轂傲岸輕王侯一門簪紱傾吳下爭引陽
秋定聲價巾車欵段指維桑駭駟華軒道傍迓

文文起

家藏太史校來書才地應堪典石渠自信碧山終
不負預從丹壑初幽居間拈綠筆傳先賢海內爭
求琰琰鐫蕪袞寵光堪不朽襄陽耆舊是陳編

嚴道徹

檐帷曾現宰官身長嘯投冠作道民恬暢新齋塵
垢遠清嘉舊里土風醇琴書過客皆稱妙文酒娛
情善養真歌出郢中當屬和愧無高調似陽春

徐仲元

抗跡南洲志。搆堅由來孺子冠。前賢豈執譜牒家。
聲在宛爾鬚眉。画像傳。碁局隱囊。娛歲月。墨池詞。
華。弄雲烟。言還舊里。心逾曠。製作篇。思入玄。

金敬仲

天行雲卧。不知貧。直節高情。類古人。淨社素諳。修。
慧業。醉鄉美足。老閒身。臣稱艸莽。慵干世。居有衡。
茆。善養真。誼忝通家。存意氣。論交奕葉。轉相親。

謝信夫

驚人佳句。謝宣城。羨尔相承。着美名。酒後劍歌。饒。

俠氣花間詞。筆膽才情。雲扶野艇。浮家去。兩足春。
田課子耕。擬貫一壺。陪杖屨。仙山莫負。采芝行。

孫子素

年。雪色瑩山堂。驚見青雲。接雁行。當路掄才。叔。
國士名家。濟美擅詞場。牛刀動處。安岩邑。鳧舄須。
素自尚。方待看政成。應驥展。得無高眼。似孫陽。

金雅少

文藻驚人。海內傳。放情一壑。隱居偏石林。夜吐松。
梢月。茆屋秋縈。瓠葉烟。詩動少陵東。酌興。醉。同元。

亮北窓。眠愛君門外。滄浪水長泊。携尊向定舡。

魏仲雪

名家世業寶遺經。溪上高齋倚翠屏。賀厦已看未
候燕。捲帷猶自燭秋螢。江頭曲宴花間醉。禁裏疎
鐘兩外聽。書錦有期嘉慶近。向奇還許叩玄亭。

李培菴

雉堞襟迴嶺岫重。山扉兼近水溶溶。但看庭樹叅
雲秀。不分溪花隔听濃。上國辟書當薦鶚。諸生擣
藻喜登龍。清風久欲追元禮。擬聽秋聲入勁松。

歸漪瀾

齋閣虛明枕翠微。山間花木弄清暉。醉噴落絮粘
蘭佩。靜玩澗雲上薜衣。不檢酒狂存道氣。常因墨
妙發天机。通衢無奈輪蹄聒。清宋長時掩竹扉。

陳仲英

孟公高隱世情疎。十畝青山稱卜居。人種杏花和
宿雨。自將靈藥洗清渠。縱遊吟就奚囊外。博洽探
餘鄴架書。即有客來投轄處。淹留肯放綠尊虛。

姚鳳來

背部幽居淨垢氣紫門長掩一溪雲
蒯綏老去猶為客甌石傾來只賣文
野史僭稱牛馬走舊遊全是鹿麋羣
鳳琴倘有將維曲為向西庄柳浪聞

桑獻徵

往哲宏才動兩都。今君高視眇三吳。
老知當路難投壁。却悔童年不棄繻。
敏捷自來詩有法。頽唐常托酒為徒。
雄心分向旗亭耗。醉倚蒲梢汗血駒。

徐陽初

南州甲第世嵯峨。誰似夫君麗澤多。
神駿絕人憐赤驥。嬋娟空自老青蛾。
衛生烟島搜芝朮。埋照江皋就薜蘿。
海內競傳新樂府。青樓紅粉盡能譌。

薛雲卿

家、花月治芳樽。虛左招邀駕短轅。
但有笙歌如沁水。即將詞賦擬梁園。
賣漿未遂高人計。說劍誰酬義士恩。
爭慕近年交道廣。阿誰肝胆似平原。

李青霞

峰泖迴環氣寂清。徵君肥遯著書成。
魚閒自得濠梁樂。雀老曾聞日下鳴。
任俠借交憑短劍。說詩堅

壁擬長城相逢未報瑤華贈欲倩冥鴻一寄聲

錢于石

王孫卜宅碧山阿日有求羊伴嘯歌不羨雁行能
奏賦爭欽蘭玉早鳴珂名高鮑照詩篇逸才並虞
卿著作多喜尔玄亭清宗甚向竒莫厭數相過

朱立卿

平槁曲岸樹森森南市渾如柳市深風颺茶烟紫
竹塢雨添苔色滿庭陰拈杯夜把離騷讀弄筆時
攤襖帖臨晤語愛君多道氣不妨芒屨遠招尋

吳昌生

羨尔幽棲遠世塵岩亭泉石養清真壺觴結社招
詞客瓢笠叅禪訪道民貝葉工夫蓮漏夕梅花消
息竹房春即看西葵澄山鄙何處相期話淨因

覽勝二十首

謁三天竺大士泊舟北新關

三竺尋真擬十洲暫依江柳繫蘭舟試談佳麗神
先往遍覽靈竒興始酌江樹醉霜驕夕照晚山環
翠壓寒流呼童點檢嗔吟屐明菰蘓堤汗漫持

秋日謁雲棲蓮師留宿賦之

迢遞來歸選佛場。威紆石徑蔭松篁。月窺精舍曇
花冷。風度祇園貝葉香。無盡慧燈傳震旦。有時仙
梵落錢塘。迦趺聽演三車法。金磬敲殘夜未央。

長橋即事

薰葭洲渚帶微霜。繫艇長橋覽渺茫。地入松陵饒
積水。帆來笠澤掩斜陽。短簑白舫漁垂釣。小店青
帘女賣漿。耐可賦才當屈宋。宛疑風景似瀟湘。

遊玉泉寺

精藍泉湧玉為池。陸羽當年竟不知。松鼠啣花穿
石竇。神魚吹浪躍寒漪。梵音風送青山暮。禪室香
消白晝遲。信是勝遊非易得。摩挲苔壁一題詩。

登六和塔

客子搜奇未擬回。更攀寶塔倚崔巍。越山南擁千
峰迥。浙水東流匹練開。不斷慧燈傳古刹。何年劫
火熾香臺。江波難洗孤臣恨。天半秋濤殷怒雷。

蘓堤晚眺

誰種桃花春滿堤。漁郎渾訝武陵溪。絲飄翠柳千

條軟屏列青山石疊低倒景樓臺天上下斜陽鐘
磬寺東西六橋名勝曾遊地常倩岩雲護舊題

武林歸復遊虎丘

靈丘重覽一尊便越水吳山復悵然兩地壯遊塵
外跡千秋霸業夢中烟風飄梵唄長林迥月泛笙
歌豐艸芊淪茗試嘗慙井味何如昔日虎跑泉

靈岩懷古

靈巖高聳翠微連芒履初攀鳥道偏樹接蘇門烟
水外帆來震澤酒尊前縣廊遺响存寒溜舞榭餘

基屬梵天回首吳宮佳麗地斷碑荒州自年々

登天池山

探歷名山不厭勤衣間香霽細氤氳嶽崎嶇道凌
崖拆峭積松杉一水分竹徑斜懸紫錦石蓮峰直
聳抱鮮雲上方初地鶻苑廢林下時逢鹿豕羣

遊上方山

上方刹隱薜蘿重塔倚高亭眼界空孤島翠連吳
苑樹千帆浪捲具區風僧鳴竺磬聞林外客載春
觴入境中吊古冶遊歸騎遠扁舟橫繫石湖東

秋晚過太湖

風捲平湖雪浪高。洞庭秋色正蕭條。黃花故國將
歸賦。蓼桂深山不待招。一棹凌波寒入暝。片帆落
日晚。生潮極知無限。窮途感。愁聽吳歌酒半銷。

遊石湖

楞伽茶磨鬱嵯峨。画槩夷猶蕩素波。嵐氣欲扶朱
刹擁。湖流曾照錦帆過。風來水閣荷香遠。雨歇山
城樹色多。零落霸圖弦管盡。橫塘田得采蓮歌。

惠山觀泉

不到梁谿又幾年。九龍飛翠景依然。煮茶未得盧
仝譜。選勝遙尋陸羽泉。雨歇松根聲決。雪殘石
上玉涓。微吟甫就天將晚。戲揀琅玕取次鐫。

臨瓜步欲登金山

雨後看山晚更佳。潮生瓜步失平沙。鳥隨殘照雙
雙去。帆度長江片。斜向法寶坊。思出。采真瑤
島合。食霞蓬壺便擬乘風往。不必重尋貫月槎。

維揚曉行

客裏囊書返故鄉。曉行匹馬下維揚。雲深雀唳烟

蘿月水隔鷄鳴野。店霜吟對蘋花江上老。忍看
葉雨中黃。還家裁脫風塵事。坐釣清溪治艸堂。

登茅山

靈山取次禮仙曹。肅穆琳宮紫氣高。洞裏羽人持
寶籙。室中玉女奏琅璈。將維老雀衝烟下。已隊飛
猿抱樹號。極目秣陵佳麗地。舊都城闕擁神皋。

遊揚州梅花嶺

招隱尋梅步屨遲。梅花嶺上雪差差。師雄仙跡今
安在。何遜風流月自知。幾樹殘香蘭並玉。半岩踈

影竹交枝。明朝姑射還來賞。莫遣封夷一夜吹。

登金山

拍點名山處。通荒城西去秣陵東。千帆壓浪驅
鯨鯢。孤塔干霄截雁鴻。三國遺踪殘照外。六朝餘
恨逝波中。勝遊恍在蓬壺上。回首人間事。空。

其二

絕島玲瓏水面浮。躋攀却喜稱清秋。聽經龍卧雲
圍藏乞食僧。歸月滿舟千里烟濤吞海甸。半空嵐
翠撲江流。依微樹色蕪城遠。訪古還應恣冶遊。

遠遊歸棹

鯉魚風起送歸舸。鄉思悠々滿大川。遠寺磬聲青嶂外。斷堤帆影白鷗前。霜酣万樹驕秋色。日落千林起暮烟。回恋舊遊城郭渺。薰葭蕭瑟水連天。

友朋一十五首

積雨卧病寄懷金敬仲

善病親知参与商。頓令吟社冷山陽。厭聽積雨歌孤枕。其奈淒風洒客裳。塵榻久懸思孺子。酒壚寥落負知章。來朝僅可乘輕屐。即擬追隨入醉鄉。

贈聖階上人

方外招尋路不迷。團蕉新寄鄣門西。經翻樹底孤雲定。簾捲湖陰遠岫低。斲取黃精炊作飯。調來白雀伴扶藜。藏脩只合隨緣去。何處茆庵不可棲。

寄金稚少

晦跡林泉遠世塵。分違殘臈轉陽春。孤城雨雪初開霽。三徑烟霞善葆真。坐愛渚雲憑片石。醉餘山月上蓑筠。野人仰止高山久。可厭玄亭問字頻。

病間寄慰陳仲英

無回車馬到林間多病維摩獨掩關自惜風塵淹
歲久還羸泉石種花閒賞心兌負春前酒老眼頻
看雨後山何事故人俱伏枕謾將靈藥駐朱顏
贈福山大叅戎程雲

東海樓船壓巨波牙旗十丈擁雕戈伐謀有策驅
蛟鱷賈勇無勞習鶴鵠長揖自慙非汲黯折衝君
豈讓廉頗燕然勒石成功日肯檄書生作凱歌

送張曙卿應試田都

執手河梁駐玉駟柳絲搖颺酒旗風吹毛舊識青

萍利振藻爭欽綠葉雄桂露秋沾羅袖馥杏霞春
霞錦韉紅泥金一睹應生色竚望前旌耀日中

贈徐仲元

孺子高風久擅名買山棲隱近西城階前草暎縹
纈色窻裡松舍綠綺聲乘興尚堪誇勝具得閒渾
不廢詞盟著書盈篋能相示中論年來報已成

晚過雅少山齋遇陳仲英同酌

騎馬來過月色涼相看二謝興飛揚多君麗藻堪
千古慰我沉冥盡十觴樹合暝烟喧鳥雀庭開秋

色近松篁遠籬賸有淵明菊花發還來叩葯房

贈表舛陸培吾

紅塵不到竹間扉之子清吟與世違林下坐聽幽
澗落隴頭行看落花飛猿啼青嶂月當戶雀啜碧
溪雲滿衣即有天書徵不起鹿門高蹈已忘机

贈林鑑塘還閩

秘笈玄文喜見貽多君拍點即吾師玄洲杰水冥
鴻駕羽服綸巾野雀姿驟見颺輪行色動細斟雲
液坐談違逋仙去、無携贈聊揀江梅折一枝

送友人之金陵

仙侶琴樽共一航薰風自信送牙樯路經北固山
容夕馬踏長干月色涼舟子飯炊菰米熟壚頭酒
帶藕花香故人南望歸期早莫恋烟花滯一鄉

坐岳殿石欄步桑獻徵韻

憑陵極目海天寬投塵清言坐石欄画閣翬飛青
嶂合彤庭深護白雪寒城隈寺起炊烟淡樹裏湖
浮落照殘羣彥唱酌山氣夕湯收佳麗入毫端

贈孫鑑川隱居

錦石峰峦画不如。溪迴徑轉樹扶疎。自非清世崇
高尚。誰許幽人此卜居。籬落繞荒元亮菊。山窓一
卷伏生書。西城羣從饒軒蓋。爭遜門前下澤車。

贈夏虞遠

仲御高風衆所推。隱居樓閣近城隈。欄當爽氣朝
常倚。樽對幽花晚正開。雀絲未容侵黑髮。鳳毛爭
喜擅奇才。紫芝丹橘盈筐篚。知是商山社裏來。

臘日餞別朱立卿

一尊沾醉下虛樓。獨擁籃輿不可留。長喜誦詩欽

正始不徒揮翰墨。名流珠舍凍樹梅。將教玉蘊寒
山雪。未收春酒藥。時燈月滿好期聯。袂六街遊。

寄懷金敬仲

啟閣看山懷謝公。相知白首幾人同。驚人綵筆當
誰並。觸景新詩轉自工。朝爽寓情青嶂外。晚年得
趣綠樽中。何時過話忘形誼。共醉霜籬老菊叢。

送朱雲石還揚州

看山握手復論文。暨尔逢君又別君。俠骨一生推
重義。故交斗酒悵離羣。吳楓凋落含霜氣。隋柳蕭

疎卧水濱南北路岐雖未遠大江回首隔重雲
詠落花十首

其一

莫羨繁華滿眼新東風駘蕩易漂淪輕隨飛絮迷
歌扇湯逐遊絲綴舞茵傳信隴頭春莫寄拾芳澤
畔佩難紉明年紅紫還依舊眉黛何須學柳顰

其二

準擬青帘泛醖醅俄驚紅紫溘黃埃香消已歇風
梭度粉褪無勞蝶使猜剪綵隋宮難續艷拂塵玄

觀待重來徘徊陌上空歸去愁聽樓頭羌笛哀

其三

月自團圓草自芊不堪殘萼舞翩跹似逢天女雲
中散却使幽人雨後憐洛水依稀看解珮馬嵬惆
悵拾遺鈿遊蜂悒快空歸去不信鄰家春色妍

其四

春事闌珊勸舉觴傷心不忍到池塘千林索莫風
無賴万點紛飛雪有香吹笛有情憐逐客向津無
計避漁郎莫言零落成何用貴主方誇額上粧

其五

共賞喧妍滿架芳。獨憐花萼恣飛揚。細尋刺粉蜂
知惜。斜蹴殘紅燕。覺忙解語似嫌朝雨急。多情應
妬晚風狂。眼看萬卉漂零盡。御史空教掌括香。

其六

意態渾如墮馬粧。珠、粉、洒池塘。薛條尚學霓
裳舞。倒地猶沾屐齒香。蝴蝶夢。竟空快望。杜鵑愁
緒更悲傷。蕭然三徑無遊客。天棘從教覆苑牆。

其七

金谷笙歌。宋不譚。河陽城郭。失繁華。庭除雪點。蝸
書篆。汀渚霞籠。雀印沙。絳燭昨宵明。列檻綠陰。今
日暗窓紗。嬌鶯惆悵。辭林樾。畝浔池塘。西郭蛙。

其八

天台玉洞。晚霞紅。劉阮重來。跡已空。換骨有丹。難
續命。返。竟無計。藉神功。駐顏浪說千年寔。幻化誰
諄頃刻工。仙子嬌容。杳難覓。徘徊香徑。夕陽中。

其九

墻外絲飛。舞翠簷。閣中愁絕。捲香奩。翩翻蝶翅高。

低覓蕩颺蛛絲次第粘學雪輕盈封石砌因風綽
約點湘簾杖藜徒倚溪橋畔嬾看高樓颭酒帘

其十

綠窗無緒理冰弦興阻看花又一年亂撲香泥翻
乳燕狂漂紅雨濕啼鵲絲、斜綴墻陰蘚片、低
縈艸際烟辜負東皇消息好倚闌吟罷倍悽然

登眺一十四首

登妙音閣

北阜扞蘿厯翠微上方遊目送餘暉長江直下千

帆近精舍中開万法依梵演虛樓潮應響簾垂高
館葉初飛忘歸一任緇流咲衰病年來已息机

佛日遊破山寺

曲磴逶迤万木陰翠嵐濃處薜蘿深焚脩共禮栴
檀像隨喜時穿蒼蘆林精舍恍疑堦率院谿聲何
似海潮音十千士女齊稽首不動維摩定裏心

三皇閣看落照

玉壇珠閣白雲邊倚遍層欄薄暮天乍喜餘霞橫
斷磧徐看返照浩長川千帆近逼蒼烟落疊嶂高

含紫氣連。逸興未闌。詩未就。城東華月恰繞圓。

湖樓宴集

看山載酒過湖頭。繫艇芙蓉次第遊。每縱冥搜來
勝地。欲窮玄覽上高樓。天迴疊嶂當窓擁。樹夾長
溪倚檻流。招隱賦成餘興在。西城月送翠筠秋。

雨後觀瀑

雨後探泉屐屐來。松間香閣倚崔嵬。含風勢偃陰
厓草。挾雨時噴綉壁苔。倒映落暉懸暮竦。遙衝大
壑殷晴雷。登臨况接賢豪席。新句何辭醉後裁。

過竹林禪院

竹院叢林靜且閒。支公脩隱閉松關。目悲幻跡淹
塵世。却愛禪官據好山。澗道雨香忍艸碧。虛庭風
穩覺花娟。兩湖水月滢秋玉。長照空王法座間。

秋日集大石山亭

幽亭虛敞帶松蘿。徙倚看山詩興多。逼坐天香飄
石壁。當尊月色媚巖阿。孤雲近就珠林宿。斷雁遙
從碧落過。明日未知何地醉。且乘良夜一高歌。

寒山晚眺

秀嶺盤迴細路通。石梁西轉化城東。江開霽色橫
殘。竦雲回。秋聲落。新鴻噴雪。風泉層阜上。如花霜
葉夕陽中。攀蘿不盡登臨興。回首銀盤月在空。

見白龍祠祀

花宮寨落後來遊。梵唄無聲一壑幽。佛座半沾青
嶂雨。僧寮空鎖碧苔秋。虛潭月印蛟龍卧。古殿雲
寒鳥雀愁。欲叩靈區勞竚立。樹枯碑斷水空流。

登拂水亭

凌虛官閣劍門西。迤邐扞蘿上石梯。縹緲烟波江

樹合玲瓏洲。渚海天低雲涵絕。壁苔犹濕風捲飛
泉路欲迷。勝地由連堪寄賞。不妨來日酒重携。

携家弟登塔

寶塔初臨並有緣。玲瓏雲鎖半空懸。下方倒瞰鴻
濛小。絕頂高攀鳥道偏。八表晚山浮遠黛。万家秋
樹帶微烟。浮生多跡嗟無着。此日如登極樂天。

讀書臺

帝子何年駐。宸旌崇臺列。檻尚崢嶸移。來中秘丹
霄。迥藏副名。山紫氣橫錦軸牙。籤傷往事野花啼。

鳥悵遊情千秋英爽瞻遺像彷彿書聲誦月明
九日登拂水值雨

携壺高眺出層岫布席高亭倚曲欄
萸菊近霜齊應節松栢拂兩驟
坐寒清樽宛在龍山倒飛瀑如
登雁宕看東望江虹開霽色
繞多詩景入毫端

閒適二十五首

白石渠畜朱魚數尾

白石方池畜錦鱗相看真足瑩
心神誤啣花影搖潁尾偶啖
松煤澆絳唇容与不殊濠上
樂飛騰應

待禹門春端居靜玩閒窓下同隊
優遊信可親寒夜因友請我不出
步月作詩自解

月白山城掩夜堂老懷慵入少年
場地爐火活罇鷓鴣熟尾缶先生
臘蟻香醉去微吟憑曲几醒未長
嘯踞匡床畸人自得清虛趣塵世
繁華已坐忘

留客嘗酒

濁醪初熟為誰開却喜高陽舊侶
來嘯飲不輸元亮興狂歌寧讓謫
仙才梨花湫澗分春瓮竹葉馨香
瀉玉杯不醉可容騎馬去恐看山
月掛江梅

贈友人隱居

世事人非了不關
郊墟抗跡異塵寰
泉聲暗落花邊
甃樹色晴連屋上
山弱冠運籌戎幕下
晚年藏用酒杯間
日斜半醉支筇立
向看村童射獵還

寄廣陵舊識

窗外梅花折一枝
美人遙隔寄相思
愁看烟樹陽春晚
悵指江雲日暮時
塵榻久虛懷孺子
素琴無復遇鍾期
天涯南北睽違遠
蓬鬢年長素絲

懷友宦遊京師

魏闕神京紫氣浮
飄零王粲獨登樓
千山雨色和愁合
万里江聲入夢流
紅樹臨風官舍晚
碧梧搖月禁城秋
畸人別後仍多病
遙夜思君向斗牛

清明泛湖

湖上清明霽景鮮
江籬浮綠滿春田
水含芳芷迎歌扇
風捲飛花撲酒舡
黃鳥試啼堤畔柳
白鷗斜點鏡中天
青楓映日鑽新火
又過江南一禁烟

鰥居夜咏

林欵飛霜葉漸疎
病夫怯冷夜帷虛
養生永藉軒

岐術課子旋宗孔孟書月上秦臺誰引鳳春回禹
浪有騰魚地爐温酒煨生芋風雨蕭蕭閉索居

池上清吟

昕夕觀魚復聽鶯結廬池上有餘清小荷低檻水
雲淨疎竹半窓山雨鳴竟日掩闌棋作癖午居玩
世酒為名豪華舊事俱忘却嘉遯林泉習養生

同家弟待月

調合頃簾待月吹鶻飛烏鵲向南枝嚴城擊柝催
更早虛館焚香坐破暎碧落低翻鴻雁影清宵高

咏鵲鵲詩皎然桂魄東山吐來照蘭漿白玉卮

林泉小隱

小堂依竹水雲邊晚節清修謝世緣酒榼每邀青
嶂月硯池常潤綠蘿烟降心借得禪僧榻遣興移
將釣叟舡懶性從來疎禮法獨耽幽事向林泉

元日逢春

海國春回泐氣數千門歡唱泛屠蘇郊迎爭睹青
祇入戶啟齊香綵膝娛弱柳舊稍微染翠蚤梅新
葦半含珠絲。祈祝成何事南鄣先生獨據梧

探梅未開

聞道春光着隴梅扶筇躡屐指山隈僧者冷蕊披
雲去鳥下踈枝踏雪迴聊引酒杯環樹立枉勞花
信過江催園翁有約芳菲日淨掃松關許再來

元夕同社友踏月

勝遊良夜集時髦散步西城第二橋
雙鳳翩躚窺火樹六鰲璀璨貫星杓
更傳玉漏聲初起月滿瑤臺雪未消
連袂行歌神不倦石梁流憩聽吹簫

挽金雅少

君何奄忽赴仙遊埋玉溪山桂樹幽
廿載詞盟垓處冷百年俠節劍空留
龜歸華表憑遼唯机息滄浪付海鷗
兌度花前明月夜悽然還憶舊風流

山閣賞雪

纈絲瑞雪洒郊堙粧點園林觸目新
帶雨作花霑短褐因風搏絮上重茵
霸橋策蹇人何在梁苑雕龍跡已塵
小閣擁爐堪一醉遶簷山色玉璘珣

春日泛湖

小湖春色逗晴波雅稱輕舸載酒過
水荇牽風蓬

底漾沙鷗翻雪鏡中多當樽白苧更新調望處青
山指舊阿却笑陶朱太痴絕夷光同泛竟如何

山家賞梅

竹外梅花映水濱橫斜老幹綠苔皴幽姿綽約波
涵月芳韻蕭疎境絕塵綴雪遠迷湖上雀隔江聊
寄隴頭人不須更覓羅浮勝野款村醪樂自真

月夜泛湖

八表無雲景氣妍携壺長夜泛樓船湖含一鏡開
秋色風捲淩鴻破暝烟月湧金波流艦外天移珠

斗落樽前勝遊况集高陽侶不獨長庚是酒仙

春陰小咏

無燈無月過新正日春陰思不勝宿酒乍醒天
欲雪柔翰將染硯猶冰梅疎故遣淒風勒柳弱偏
多暮靄凝選膝未鼎芳歲約美人踪跡竟無憑

途中冰阻

風峭波凝迥不流征帆魚貫阻千舟雪飄蓬底珠
花碎冰掛林端玉筋抽號雁翅低衝夕照飢鳧聲
咽匝寒洲舍婁兀坐無烟火恰類嗣宗失路愁

中峰寫懷

花雨續絲洒石垓中峰金刹出層巒潭香似接曹
溪水谷邊常聞楚畹蘭隔樹鳥喧霜菓熟近庭蛩
泣露莎寒浮生多負須臾事超脫何如就道安

暮春雨阻

雨阻王孫遊倦時柔紅嬾白漂漣漪梨花摧碎滿
林雪楊柳浣長千縷絲沽酒村邊云徑滑烹茶廡
下孤烟遲小窠岑寂檢書罷愁聽杜宇啼空枝

久雨遣悶

淫雨淹旬氣慘悽出門無處不衝泥花舍宿潤潭
凝淚鳥怯寒枝故不啼海國層陰千嶂合湖鄉積
潦万家迷登樓悵望同懷客何日清尊可共携

家君南海進香

梅檀一瓣普陀行二月餘寒怯被輕孤棹夜停江
月小片帆風正海潮平香浮蓮座瞻慈像雲繞珠
宮隱梵聲懸想歸時春未晚綵衣花底祝長生

節序八首

迎春

小閣晴分笑語頻。開尊結綵候陽春。青田原草沾
膏潤。白破江梅樹。玉新寄傲擁書須。万卷追歡縱
酒合。千巡夜深靜。據匡床。坐茶鼎。熏爐次第陳。

元日

寶曆須行泐氣回。逗簾晴旭瑞光來。溪橋霽色浮
纖柳。山郭東風綻早梅。春帖句新題尚濕。屠蘇味
美甕初開。野人擬作柵花頌。擊壤堯天醉艸萊。

送春

一夜顛風万卉殘。孤吟黯黯獨凭欄。山鶯斷續林

芳靜。江燕差池麥候寒。閨裏玉人眉翠薄。天涯遊
子帶圍寬。多情密是章臺柳。猶送餘花撲馬鞍。

端陽

青山着雨半模糊。佳節天中詎忍孤。燕喜好添長
命縷。時清安藉辟兵符。深閨綵絡分懸艾。小閣華
觴共泛蒲。葵華榴花交眩目。會須酣暢酒重沽。

長夏

綠樹團陰覆短楹。科頭長日倦逢迎。窓含野景羣
峯合。竹洒溪雲獨雀鳴。枕簟涼生幽閣靜。琴書意

惺小軒清晚來。酬唱堪求侶。呼酒臨風待月明。

七夕

景入清秋。七夕臨妝樓。無處不穿針。白榆歷歷星
辰動。銀漢盈盈。刻漏沉縹緲。鵲橋今古恨。虛無龍
駕。歲時心。何人更得支机石。祇恐君平未可尋。

登高

佳節名山結伴遊。擬傾斗酒破窮愁。黃花沍露熏
幽徑。紅葉酣霜媚遠洲。絕處斷蟬江樹晚。數行征
雁海天秋。莫嫌落帽成潦倒。歲歲相期共唱酬。

除夕

爐香榾柮兩氤氳。山郭千家爆竹聞。絳蠟花生寒
漸減。銀蚪漏永歲將分。懸壺何處追烟棹。看劍頻
教拂斗文。坐待春光傳栢葉。陽烏徐出海東雲。

遣興一十六首

宴客

鴨綠春缸始潑醅。正逢江左步兵來。庭花解語淹
傾蓋。山鳥如歌勸引杯。高韻已知忘世久。好懷聊
喜向君開。轉頭嘉遯無多遠。劇飲何妨踏月回。

採菊

三徑旋開秋色勻。曉籬輕折露香新。千林落葉花
仍媚。九日浮萸酒更醇。僻向松篁諄晚節。不從樵
李競陽春。一囊賸置思高枕。雀白清宵入夢頻。

登山

試携吟屐上高峯。弔古尋真興未窮。孤島晴分江
甸澗。一尊愁豁海天空。松流雲影濃。還淡樹夾樅。
霞綠映紅。懶癖自耽山水趣。素心犹慕古人風。

翫月

月轉梧桐冷露溥。瑶天如水浸銀盤。清樽幸合同
袍賞。素影寧辭達曙看。鄴下侍臣詞筆健。武昌寮
佐酒杯寬。賢豪過眼俱陳跡。遮莫沉酣共倚欄。

登樓

天豁危樓海嶠低。井幹高与白雲齊。千帆雨色孤
城外。一片湖光万柳西。揮塵欲招岩畔雀。凭軒遙
聽水村鷄。忘机却羨蒼髯叟。抱瓮臨流獨灌畦。

懷兄

菊節年、不在家。就誰籬。落看黃花。邗江波冷魚

書少吳甸風高雁字斜千里鄉心懸海角
幾回幽夢遶天涯言旋好醉南湖月莫遣窮愁老歲華

踏雪

表生僵卧怯凋表獨有風流踏雪遊清興尋梅扶
短杖高情訪戴命扁舟江城萬樹瓊枝散山郭千
家白玉浮縈使梁園能賦客陽春此曲更難覓

尋梅

為向梅花引雀尋數株含玉露疎林香飄曲塢冰
寬冷影落寒潭雪色深神女笑迎山欲暝仙郎夢

斷月初沉恍疑身在羅浮境聊吸瑤漿倚石吟

遊仙

海上仙山十二樓茫茫弱水抱丹丘絳雲日暖金
坛靜瑤艸春香玉洞幽雲液醉餘天際月冰弦彈
徹夜堂秋長生覓得飡霞術鸞雀翩翩汗漫遊

憶弟

歸棹常緣覽勝遲故園諸弟重相思厭聽江上白
蘋雨却憶山中藜桂枝客路看雲時罷酒野航燒
燭夜題詩閩河無限淒涼意羞管寧教薄暮吹

採藥

老去諸緣摠不閑
尋真采藥躡雲山
層岩玉洞飛蘿外
邃壑金堂杳靄間
芒屨遍探黃獨去
短鏡斷得茯苓還
衛生僅擬扶衰疾
未必丹砂足駐顏

養疾

百年多病漫尋真
何似維摩定裏人
問法素諳飯白社
養恬無計避紅塵
山中叢桂秋堪賦
燈下清尊夜強親
薄醉微吟良月上
柴門高枕卧松筠

隱逸

名嶽尋真路鬱紆
買鄰聊得近山廬
移花按節分奇種
鑿石疏泉決淺渠
弄筆擬成招隱賦
焚香閑遍養生書
年來倍喜無拘束
一片閒雲任卷舒

客至

客至山籬菊未殘
僅供雞黍盡清歡
玉壺酒冽菜萸老
石鼎茶香松子乾
谷口炊烟秋色暮
樹頭霜月夜光寒
別乘頗怪招尋少
不惜淹：坐夜闌

勉弟

倚歲須勤佔俾功
明時何可泣途窮
詩書好竟三

冬業歲月毋虛一畝宮似尔俊才堪吐鳳慚余小
技負雕虫玉階鴛鴦無多遠只在螢窗蠹簡中

習靜

習靜房櫳面翠微遠離塵鞅即忘机夜酣隣舍菜
羹酒秋試山房薜荔衣樹底白雲平檻度空中黃
雀認巢飛臨流愛聽滄浪曲時倚汀楓坐釣磽

咏物一十三首

梅花

江郊昨夜轉條風隨路梅花看不窮雪映水村千

樹白日高山縣絕枝紅驢還灞上無詩續雀去湖
陰有信通何處高樓調玉管春愁脉脉滿烟空

雪

萬里同雲夜宋霽捲簾俄見雪封條高眠且閉表
安戶逸興難忘鄭祭橋悞使天鷄驚曙早得無邊
馬觸寒驕山家又勒梅花信應負林中酒伴招

竹

蕭然一榻子猷居映帶叢筠半畝餘徐引流颺紋
簾冷斜籠淡月絃窓虛霜根挺作仙人杖春笋充

將法席疏宛對瀟湘堪嘯咏石床披拂紀年書

牡丹

紅紫芳菲競綺羅此花聲價許誰過選來國色河
陽少分出天香沁苑多檀口倚風時帶笑朱顏映
日煖將醅清平一奏開元曲不是名妃不敢譎

桃溪

菴溪灣頭兩三家露和誰栽瓮樹花生恠煖風吹
絳雪窠憐晴旭暈香霞漁郎坐對頻呼酒村女貧
看罷浣紗追想西湖歌舞地垂楊相間繫遊艇

綠陰

雨過江城樹色深
萬家桑柘盡成陰
綠叢亭午籠
朱閣翠靄崇朝障
碧岑試展樵筇
窺奕坐暫拋茗
盃擡梧吟嚶々
况有遷高鳥時向風前弄好音

荷花

芙渠一夜滿池塘
雲錦絲披十里香
涼帶淡烟歌
翠蓋艷迎初日醉
紅粧漫將解語誇
西子已自消
菟到六郎窠是秋高
勞夢想水晶宮冷怯更長

梧桐

梧桐多託嶧陽岑。分植中庭翠蔭深。僻壤未堪威鳳下。高枝先引露蟬吟。影交棋局幽軒爽。涼滿書帷小閣陰。却勝焦枯經爨下。偶逢玄賞斲為琴。

落葉

漂殘秋思雜清砧。黃葉紛紛積滿林。樹底蕭疎窺月兔。枝頭零落噪霜禽。爐中宿火應難覓。山徑行踪何處尋。刻玉三年成底事。空懷松柏歲寒心。

雁字

塞垣音信倩誰通。只在依稀點畫中。揮洒雲烟誇

勢勁。往來夷夏見文同。行高似塌鵝經小。陣結如臨鳥篆工。即有問奇人載酒。子雲老眼恐朦朧。

菊花

秋深衆卉旋蕭疎。僅有寒花媚艸廬。滿地新霜扶杖早。一籬香藹引杯初。江洲道上携蘭瓮。彭澤門前下筍輿。采掇芳英食不厭。楚臣標格本清癯。

楓林

坐愛楓林勝友偕。引杯臨眺踞層崖。日看樹色霜餘媚。始覺山容日夕佳。製錦勾成豪士幄。剪綃輕

觀玉人鞋空將二月花相擬不逐香塵上六街

苔花

博山書卷北窓塵
湍地苔花稱隱居
綠潤堦除春去後
翠搖簾箔雨晴初
紛披榆莢錢文錯
點綴雲根錦不如
濁世輪蹄俱屏絕
塵埃野馬見應疎

悼內十律

已酉孟夏遭鼓盆之戚
兒嬌女幼對景淒然
昔人謂情之所鍾
正在我輩抱病經旬
燈前懸涕聊賦短篇
以志傷悼詞雖蕪陋
皆出肝

隔仲秋日湯錄于淨因齋中

其一

凋盡朱顏壯志灰
夢符炊臼思難裁
窓机聲斷虛秋月
奩鏡光昏冷夜臺
稚息未姻空孑立
嬌雛索乳向誰哀
柔腸對此時堪結
不是平居日九迴

其二

蕭索空閨掩翠筠
蕉窓疎雨送愁新
蹉跎日月羞雙鬢
歷落風塵笑一身
紉佩漫留湘浦蕙
携筐誰采澗中蘋
藏名亦儗隣家庶
淒斷辛勤舉案人

其三

渴類相如鬱未開
歌同柱叟益堪哀
蒼茫伉俪終天別
彷彿音容子夜回
斗帳寒侵蝴蝶夢
玉簫聲咽鳳皇臺
芳菲堦下宜男草
記得閨人手自栽

其四

玉簫聲斷月微明
雲鎖空臺鳳不鳴
夜雨踈燈愁正劇
西風孤枕夢難成
恣前厭見蟬蛸網
床下那堪蟋蟀聲
獨咏無衣當歲晚
露涼偏使芰荷驚

其五

浮世茫茫歲月徂
倏然抱影一鰥夫
嬾分螺甲延香篆
忍見蛛絲罽綺疏
九曲柔腸時欲拆
兩行清淚日將枯
不堪行傍銀床井
綆斷瓶沉謝轆轤

其六

問卷踈簾立小樓
忽驚梧葉報新秋
將拋画扇閑蟬雀
不向銀河望女牛
香可返菟疑浪語
珠稱如意竟何求
莎鷄趨堦前草未
聽離鴻淚已流

其七

奉倩佳人不再逢
天荒地老恨難窮
舞鸞鏡掩蘭

閨冷別雀絃淒蕙帳空孤館一燈虛夜月光家
杵搗秋風恠它河漢飛霜蚤刀尺憑誰課女工

其八

箕踞狂歌漫鼓盃婺星埋沒絳河昏牛衣憶昔同
沾淚鴛枕于今獨斷菟漫想顰眉攢柳葉生憎微
步印苔痕媿兒弱女空揮涕難忘羔羊跪乳恩

其九

蕭瑟商焱颭總帷寒蟬落木送斜暉土花暗蝕瑤
琴匣霜葉潛封錦字机茆棟忍聽鷓鴣夜嘯冰弦難

寫雉朝飛壺觴負却登高節萸菊開殘未授衣

其十

綵繪虛宙別後容菟子何處覓仙踪驂鸞夜拾金
光草馭雀晨登玉女峰杜氏蘭香行嚮道羊家萼
綠咲相逢它年訪尔尋名嶽一箇壺懸九節筇

鼓盃解

已酉夏余內人黃氏年未艾而忽以病去世鰥翁
子女所藉以為給養嫁娶之助者悉歸烏有余甚
哀之哀不已而咏詩數章哀寄也偶出以示客之

知已者客生具熱腸一覽而惻然欲泪隨援莊生
鼓盆曲以慰余、謝之曰客慰余以情而援及鼓
盆事竊有言以解之蓋莊之學本于老子肆志物
外貌王公大人為野馬士之放者也夫放于功名
富貴之際則達放于骨肉存歿之間則忍莊生隕
若妻而代哀以歌一任口吻如所謂人欺人諄笑
話等唾更放而忍矣余末俗一夫不追莊生遠甚
一旦踵妻子之變睹而翁則哀之曰翁不可乏養
汝胡棄而翁去也觀弟子則哀之曰子甫髡髮汝

胡弃而子去也睹而女則哀之曰女未許嫁汝胡
弃而女去也莊生所超然者余獨戚然孰放孰拘
客固有所公案然情關肝腑不能自諱以拘而勉
強步莊生之放也試為鼓盆解而并為客之慰我
者解云

七言絕句

咏物十三首

水仙

鄰是江梅友是蘭翠叢
含玉蕊珠寒一塵不染
凌

波襪纔過瑤池濕未乾

杏花

錦幃春風十里開倚雲疑是董仙栽曲江上霞
千樹曾照宮袍並馬回

螢

點綴江籬夜：秋御風無定帶星流飛來屋裏琴
書冷似把明珠暗自投

牡丹

曉霞低簇錦雲紅珍重名花出漢宮金谷擬稱姚

魏色綉幃深護曲欄東

茉莉

香藹先參臯觀風芳根疑出蕊珠宮冰肌入夜尤
清瑩小立亭上綉閣東

梅花

玉蕊聯珠近葯房韻同江浦水仙香何人披雪衝
寒訪策蹇狂歌灞水長

瓶菊

霜後籬花耀白明野人携贈到柴荆冰壺冷浸山

窻下黯淡寒香入酒清。

州

綉苗隨地發芳叢。嫩綠柔香細雨中。吟徧池塘猶是夢。六朝遺跡恨無窮。

白燕

江燕差池雪色勻。影涵新月剪梨雲。飛來玉洞渾無跡。不是烏衣舊日羣。

朱魚

細數朱魚荇藻香。明霞點上印滄浪。禹門未激桃

花浪且伴幽吟寄州堂。

瓶梅

膽瓶分浸一枝位。玉蕊清香伴品題。姑射仙人初隱几。羅浮移入夢魂迷。

梨花

梨花淡。照清尊。夜色溶。浸月魂。十里殘香春欲盡。誰家細雨鎖重門。

鷓鴣

落花林外翠筠西。帶雨渡飛錦翼齊。聞道長沙有

遷客間關莫向此中啼。

閒適六十首

索酒

索酒頻將磊砢澆。黃花籬落竹蕭蕭。山窗喜對賢
人飲。雅稱秋涼雨數飄。

對雪

梁苑高歌懷舊遊。謝家新句更風流。酒徒只合燃
爐坐。賴向山陰夜泛舟。

懷友

少小論交各鬢絲。宦遊何日是歸期。幾看楊柳檐
前綠。攀折無因寄所思。

煮茶

試品名泉煮建茶。松濤沸鼎雪翻花。夜深和得盧
仝句。七碗清風沁月華。

劍門

危峰斗絕天梯險。陞石雲扶鳥道斜。誰試莫耶貴
勝跡。品題新句掃苔花。

西湖

弱柳濃樾夾岍齊。青山臨鏡黛眉低。往來多少風
流恨。盡付黃鶯枝上啼。

玉峰

馬鞍高聳鹿城頭。金刹珠林絳氣浮。為產雲牙如
紫玉。山人爭詫似昆丘。

又

琢玉雕瓊歲月深。磻砮研幽谷氣陰森。巨霸恨不移
山太難。伏雲霞護寶岑。

登塔

摩空金塔遠塵紛。佳節登臨思不羣。天樂不知何
處奏。冷然却在九霄聞。

采菊

栗里遺芬歲月深。露英香散一叢金。幽人不減柴
桑興。采上東籬見遠岑。

卜宅

誅茆結屋水雲邊。五柳垂檐弄晚烟。幾欲移家事
耕釣。鹿門將買德公田。

聞梵

何處香風送梵音更逢孤月照禪林
散花環佩諸天冷空盡迷津種心

清明

芳草晴波媚遠天山花雨濕啼鶯
昨宵新火初分得却笑當季枉禁烟

旅思

客裏憑高覽故宮遠山烟樹雨濛
別來多少還家夢長逸親幃夜月中

隱者

荷衣芟製作山翁結屋居然水竹中
書卷篆烟春日靜野心時與白鷗同

草閣

嘉樹重林草閣偏綠陰長日落花天
坐來添得幽人意黃鳥嚶到酒邊

秋夜

石鼎茶香睡思醒芭蕉夜雨滴空庭
稿梧獨據無窮意細剪燈花落硯屏

送別

江流湛湛白鷗閒畫艇清樽悵別顏不盡離情雲
樹外莫教回首聽陽關

席丘覽古

名山覽古酒重携雲擁樓臺万木低鳧雁影寒銀
海澗綠陰微雨鷓鴣啼

寄懷二首

分手蕪城又十年雲林遙隔各風烟知君不淺淮
南興招隱栽成桂樹篇

千里緘書問長卿暮雲春樹遠含情想應山閣傳

杯夜南北江天共月明

瓶中牡丹二首

國色紛七銜綺羅瓊臺瑤館得春多誰知小閣開
尊夜亦有濃妝伴嘯歌

吾家兄弟惜春暉索酒看花禁客歸不恠酒痕衣
上滿只愁花片席間飛

閨思二首

楚女傷春欲斷腸思君幽卧合歡床覺來却恨枝
頭鳥啼破遼西別夢長

鶯老花殘秋復春。獨憐夫壻阻邊塵。何時平虜歸來日。畫作麟臺第幾人。

金山紀遊

山為砥柱據中流。貝闕龍宮次第遊。多跡盡然塵網外。何煩飛屐到滄洲。

焦山一覽

選勝登山眼界清。江雲江樹古今情。六朝形勝空烟月。不博焦君大隱名。

玉山釣鰲亭

玉山亭聳大江濶。一眺山河王氣深。壯士未攄酌國志。秋風忽動釣鰲心。

登達摩閣

寶閣崢嶸據水濱。松雲梧月淨無塵。昔年面壁人何處。悟得西來意味真。

月下泛湖

月夜携樽泛碧湖。笑看銀藻片雲無。天風飛度笙歌冷。疑共仙人醉玉壺。

秋棹吳門

霜染江楓紫翠驕
笑看一棹破秋潮
此行非弔吳王跡
自愛名山入郡遙

山中訪隱

檐日三竿尚掩關
著書堪自隱青山
不妨問字敲門者
載酒松陰日往還

寄僧達源

冷、香溜出巖隈
誰達真源識本來
愛爾花飛泉落處
長披一衲坐蒼苔

春頌
携歌

斗笠芒鞋插芥斤
携筐衝入萬重雲
春酣一唱無拘縛
採藥班荆友鹿羣

秋江漁唱

颼颼浦上白蘋風
唱飲沉酣卧釣篷
酒醒弄竿江月冷
鱸魚躍出浪花中

出塞曲

羽箭雕戈馬上寒
呼韓征罷渡樓蘭
胡塵朔氣迷沙草
愁絕將軍破虜難

武林湯輿

蘇堤維棹與飛騰。一訪梅花一訪僧。看盡好山蒼翠裏，松枝帶雪莫寒藤。

元夕聞簫

踏月吟風過石橋。千門燈火映瓊瑤。昔季弄玉乘鸞去，誰復山樓奏洞簫。

惠山觀泉

九峰飛翠樹菁葱。梵演泉聲聽不窮。却愛巖僧掃片石，烹茶趺坐證幡風。

山居望月

石畔茅庵老衲家。坐同香積飯胡麻。淨看湖上三更月，遙映巖前四照花。

拂水山亭

兩湖詩景落樽前。吟倚高亭紫翠連。回首東風僧舍暝，飛流倒卷濕茶烟。

懷家君遠遊

夢入關河思萬重。白雲飛處見慈容。朝元獨曳盧敖杖，名嶽知登第幾峰。

山閣對雨

山雨空涵峭閣寒
醉殘春日玉壺乾
無窮騷雅凭
浦處四照烟花象
外看

採橘歌

洞庭菊月好風光
院上秋風橘柚黃
殷勤採之兩袖香
豈九原邨得嘗

舟中看秋山

葉染新霜江樹妍
無窮秋色寫秋山
上容日夕看
逾媚與客同舟蕩
月還

夜入道院

巧石踈筠對玉壺
烟霞樓閣月明孤
道人靜夜多幽思
戲折瓊枝打雀雛

泛棹遊洞庭

笠澤搜奇泛棹輕
漁村樊塢接雲汀
琴尊滿載風流遠
一路看山過洞庭

山店幽酌

綠陰山店柳花飛
野蕨初抽櫻笋肥
潦倒一樽天欲暮
女牆孤月照人歸

贈僧渡蘆

花氣泉香滿澗隈
輕雲微雨濕松蘿
爾時渡葦凌
虛去應咲龍宮寶藏多

夜窓梅影

一樹梅花映竹居
香風暗度淨琴書
紗窓月轉亭
亭影寫太虬枝畫不如

月夜懷人

月華偏近捲簾人
玄度分違動隔旬
默對秋花成
獨坐幾多幽思欲誰論

江上聞笛

江笛吹殘折柳聲
蘆花月冷最關情
清宵厭聽思
鄉國淒切山城幾處鳴

吳門一嘯

一嘯吳門草色青
斜陽把酒悵雲萍
霸圖今古都
塵跡依舊烟波滿洞庭

焦山三詔洞

名山江抱翠氤氳
洞口依然鎖白雲
却咲卧龍爭
漢鼎三徵不起獨輸君

雨後泛舟

雨歇方舟出菜園
鷺飛鷗鷺泛晴波
山城觸景皆
詩料秋色秋聲處
上多

書齋夜雨

紅窗髻几篆烟初
梧竹交陰近水居
清夜幽人何
所事一燈寒雨一床書

山店咏柳

山柳巢鶯翠幄涼
綠烟絲軟颺金塘
風吹滿店花
如雪繫馬高樓春酒香

江上夜遊

輕舸載酒江上游
江花江月無限秋
推篷把酒發
清興狂歌一曲江雲流

山家夜閣

跡居塵外野情賒
鳥宿溪邊樹影斜
夜閣開尊山
雪霽半窓殘月寫梅花

泛棹觀楓

仙侶移舟引浪輕
愛看楓葉更留情
幾經霜渥紅
于錦一路寒山似赤城

山家曉坐

露滴松篁翠。石床曉坐看秋容。更憐佳處堪
描寫。屋上青山樹幾重。
禪房寓居題咏十首

梅花

小院疎梅暎翠筠。繩牀枯坐伴清真。禪家不檢人
間曆。皐觀寒香是早春。

水仙

綽約瓌姿咲靨開。散花天女遶香臺。盈上羅襪凌
波至。曾向龍宮聽灑來。

苔花

空庭石髮淨森森。朝雨收時翠轉深。老宦守門能
拒客。莫教乘屐到香林。

松花

庭松盖偃蔭虛堂。春晚飄花一院香。坐對苾芻清
話久。不知金粉滿衣裳。

菊花

寂憐叢菊後。羣芳清逸偏。宜十笏房。搃為遠公能
好事。移來元亮山籬傷。

薜萄

會風美蔭旃檀樹
浥露幽花薜萄林
久客自諳禪
癖味衆香國裏不須尋

白蓮

止水誰將白藕栽
冰姿瑩徹遠塵埃
精藍髣髴鬢東
林寺時引高人結社來

芭蕉

石畔紅蕉三尺長
花開似效美人妝
葉如羅袂迎
風弱倚向雕欄惹佛香

桂花

叢桂花香慧月圓
踟躕樹底看嬋娟
一枝先養軍
持水金粟如來法座前

茶花

鹿苑分栽席阜茶
季一採掇雨前芽
尤憐百卉凋
零後吐出芬芳絕樹花

玉樓春

咏荆花

田家兄弟知何處
畝得紫荆花一樹
移來深院

香風裁近小棠和，細雨○輕薄露，抵嬌欲舞不及。
此花多意緒，片時枯太片時榮，能諷友于還共住。
踏莎行

咏鵲鴿

萼艸平原薜蘿蕪，古路鵲鴿接翼風前度，飛即鳴子。
行即搖徘徊飲啄，長相聚○動止無睽，急難胥顧。
蘋洲荇渚烟光暮，成行只與雁鴻親，無情不混間。
鷗鷺

咏鶴

標出風塵聲聞霄漢，翱翔不屑羣鴉鶴，偶乘仙子。
過蓬瀛，歸來在昔人都換○麋鹿為儔，鳳鸞為伴。
條籠肯受人拘喚，仙禽風骨本清癯，浮丘依舊垂
青者

咏鷗

雪月丰神江湖情思，浮沉去住如無意，道人机興。
久相忘，随波閒逐行舟去○艸細香清，柳疎陰碎。
沙暄日午，酣新睡，一聲漁笛起，烟汀鷺飛，點破春
山翠

子母鷄圖

前有五言未殫哀悰更賦七言以志之
何來伏雌毛羽枯也學鳳皇將九雛啄食忍飢不
下咽堦前緩步鳴相呼晨昏顧復無偏向寒暑均
宜庶無恙有時非類恣貪饕起距張翰與之抗幽
花婀娜草葳蕤入草穿花不暫離但願諸雛露文
彩一身顛賴不曾知雛知報母恩難忘不學凡鷄
各飄颻竊得淮王曰裏丹大家飛去鳴天上

聚桂軒詩稿下卷終



印

